



झंकार

अंक:37: जून/2022

दण्डकारण्य चैतान्न नगद्वय मंच साहित्य-सांस्कृतिक मुख पत्र



दक्षिण बस्तर 6 वीं सीएनएम

अधिवेशन जय जोहार!



बेरसना पीढ़ि किन लाल

सलाम!

विषय सूची

- 1- संपादकीय..... 2
2. सांस्कृतिक संघर्ष न्ना रिपोर्ट्स..... 5
3. जन् सांस्कृतिक प्रतिरोध.....38
4. जन् सांस्कृति ता अध्यायन.....40
5. कविता.....44
6. पाटांग.....57

माओ म्मा!

साहित्य—कला क्षेत्र ते काम कियना कार्यकर्तालोर तमा दृष्टिकोण किन बदली कियना। ओरु मजदूर, किसान आलकेने लाल सैनिक लोरा नडमा दायना। आलकेने व्यहारिक संघर्ष कुना नडमा दायना प्रक्रिया किन एतना। मार्क्सवाद, आलकेने समाज ता अध्यायन कियना प्रक्रिया तिना ओंड—ओंड डाका संगे मजदूर, किसान लाल सैनिक लोरा पक्ष ते तमा बल्ला काल किन अदमीसि मंदना। सर्वहारा वर्ग मैदे गट्टींग निच्ची मंदना। सिर्फ ईले कित्केने मनल ओंड नेल्लय ता कला—साहित्य किन सृजना किया परदीतोम। आले कित्केने मजदूर, किसान लाल सैनिक लोरा मैदे निज्जम ता सर्वहारा वर्ग ना कला—साहित्य किन तैयार किया परदीतोम।

‘येनान की कला—साहित्य गोष्ठी में भाषण’ (मई

साम्राज्यवादीरा यूक्रेन युद्ध खिलाफ ते लड़ेमयकाल ।

विश्व मानव शांति मैदे नव समाज निर्माण मैदे संगे-संगे कल्सी दायकाल ।

“आटुम मोला बारांक बेरसता रो एलो बेलोसा
साम्राज्यवादीरा युद्धम वत्ता रो दीदी दूलोसा
बेगड़ा-बेगड़ा युद्धम वत्ता रो एलो बेलोसा
यूक्रेन देश ते युद्ध वत्ता रो दीदी दूलोसा
अगड़ा कोनि युद्ध अल्ले रो एलो बेलोसा
माकिन बाहु आंता अल्ले रो एलो बेलोसा
यूक्रेन देश ते बम्ब अरतके रो दीदी दूलोसा

मनवा पोर्रो महंगाई बम्बू रो दीदी दूलोसा ” इंजोरे आटुम तिना

वायना बेलोसा, दूलोसा तग्गुम पाटा, इद नडमा उत्तर बस्तर लेय्यस्क, लेय्योर
पेरसना महंगाई ना पोर्रो, दाना कारण बाता इंजोरे पाटांग ओसोरे मंतोर ।

“यूक्रेन देश ता युद्धम अल्ले रो इंजोरे” दक्षिण बस्तर ता सी.एन.एम कामरेड्स
यूक्रेन युद्ध खिलाफ ते जरगता आम सभा लोपा ओत्ता पाटांग ना वीडियो शोषल
मीडिया ते वत्ता । ईले दण्डकारण्य लोपा यूक्रेन युद्ध शुरू अत्तागडल यूक्रेन युद्ध
खिलाफ ते चेतना नाट्य मंच कला साहित्य ना प्रयास मंता ।

यूक्रेन युद्ध खिलाफ ते जनसंगठनकु, जनताना सरकार नेतृत्व ते
दण्डकारण्य मूला-मूला ते जनसभा, पोस्टर, बैनार, रैली, जुलुस, सी.एन.एम कला
प्रदर्शना संगे बेचोनो जागानगा क्रांतिकारी प्रोग्राम्स जरगता । 19 अप्रैल ते
रावघाट एरिया ते ऑड आम सभा जरगता । दीना लोपा उत्तर बस्तर डिविजन
सी.एन.एम कामरेड्स, एरिया सीएनएम कामरेड्स यूक्रेन युद्ध खिलाफ ते पूना





पाटा तैयार कीसि जनता लोपा ओत्तोर।

माड़ इंद्रावति एरिया ते बिडिया संख्या ते जनता जमा आसि यूक्रेन युद्ध खिलाफ ते रैली, जुलुस टेंडीसि पुतला बोड़स्ताद मंता। इद कार्यक्रम ते इंद्रावति

सी.एन.एम कलाकारलोर बिडिया संख्याते शामिल आसी पूना बना कित्ता पाटांग कुना संगे कला प्रदर्शन हित्तोर। दक्षिण बस्तर डिविजन ते साम्राज्यवादीरा युद्ध किन विरोध कीसोरे पेरसना महंगाई किन विरोध कीसोरे बिडिया संख्या ते रैली, जुलुस, भाषण हित्ताद मंत। दीना लोपा स्थानीय सीएनएम कलाकारलोर युक्रेन युद्ध खिलाफ ते पाटांग तैयार कीसि जनता लोपा ओत्तोर। इद शोसल मीडिया ते वेंडे वत्ता।

विश्वीकरण नई उदरवाद नीति ना संगे अमेरिका नेतृत्व ते साम्राज्यवादीरा एमएनसी कंपनिंग (बहुराष्ट्रीय कंपनी) इतिहास ते मुन्ने बेस्के वेंडे वेनवा, पुनवा तरीका ते दुनिया ता सम्पदा किन मासोड़ तारास लेक्का आंगल वैसी लोपसोरे मंता। “कॉ. लेनिन वेहता लेक्का साम्राज्यवाद इतकेने युद्ध” इंजोरे साम्राज्यवाद मंदना जोम युद्ध मंदीन्ता इंजी वेहतोर। अद माटा नेंड वेंडे सुप्रसिद्ध आंदु। दुनिया किन वेंडे-वेंडे लूटी कियला ‘हव्विंग तिंदानगा डुवलकुना मुंडाड़’ लेक्का जनताना सम्पदा किन ऊंदाना मैदे साम्राज्यवादीरा नड़मा मुंडाड़ पुटता। दुनिया किन लूटी कियना मैदे बाटा कीसोरे नेत्तुर युद्धम किन तत्तोर। दूसरी विश्व युद्ध मार्ता पेरके दुनिया मेंड अलग-अलग साम्राज्यवादीरा युद्ध ता किस्स मड़गाना लोपा 3 करोड़ मुल जनता नीर दिब्बा अत्तोर। निन्ने-ओन्ने परोक्ष रूप ते जरगना वेरा जगड़ांग नेंडू प्रत्यक्ष रूप ते यूक्रेन युद्ध पोर्रो हमला रूपम लोपा मनाकिन तोंदामुंता।

साम्राज्यवादीरा पूंजी प्राकृति सम्पदा बेगा मंतायो अगा वायना मैदे हर्री तिड़पोरे वायामुंता। युक्रेन देश ते मंदना आईल, गैस, यूरेनियम लेक्काटा बेचोनो अद देश ता संसाधन किन कब्जा कियला, अमेरिका नेतृत्व ते जी-7 देशकु नरगे कोशिश कीसोरे मंता। अद्रमे तना कब्जा ते मंदना इंजोरे रूस साम्राज्यवादीर जी-तोड़ कोशिश कीसोरे मंतोर। अदेन मैदे वेरा नड़मा अंतर विरोध पुटता। 1990 ते सोवियत यूनियन पतन अत्ता पेरके यूक्रेन देश, चेक रिपब्लिक देशकु लेक्काटाव ‘तमादु स्वतंत्र देश’ इंजोरे घोषित कित्ता। अगा तिना अमेरिका नेतृत्व ते इद 20 साल लोपा जमने-जमने रूस देश ता अंदु ता गर्रे-गर्रे मंदना सुडला बिडिया देश किन नाटो लोपा शामिल कीसोरे ‘चेस खेल’ लोपा घेराव कित्ता

लेक्काने रूस किन आर्थिक, राजनीतिक, मिलिटरी, रणनीतिक रूप ते घेराव कित्तोर। दाना पेय्या रूस, अमेरिका नेतृत्व ते मंदना साम्राज्यवादी देशकुना नडमा वार्तालाप जरगता। मति वेरा शांति वार्तालाप बाता कामीनद अयो। रूस साम्राज्यवादीर यूक्रेन देश पोरो युद्ध घोषित कित्तोर।

अमेरिका, यूरोपियन यूनियन यूक्रेन देश किन मिलिटरी लाजिस्टिक (मिसैलकु, कारतुस, बंदुक,) सप्लाई कित्ता। रूस साम्राज्यवादीर यूक्रेन देश जनतना पोरो मिसैल संगे बम्बींग कीसोरे ऑड-ऑड शहर किन कब्जा कीसोरे यूक्रेन जनता किन वीस दिब्बा बना कियामुंतोर। मति जनता तमा मातृ भूमि रक्षणा मैदे निच्ची मंजी लडेमासोरे मंतोर। अमेरिका, यूरोपियन यूनियन कैदे पुतला बनेमत्ता, यूक्रेनियन शोसक-शासक वर्ग, नेल रालना केसमुल पिल्ला किन, नूनी, पापालोरकिन, नानो, मुयतोर किन युद्ध भूमि ते विडसी मंजी युद्ध मैदे हथियार बम्ब बारूद्ध वम्मना, अस्सना टेका तिना वायना लाबम मैदे 'डोलता बीनुकु किन डामुर तिंदाना' लेक्का अगडा दलालि पूंजीपतिर मंतोर। इद युद्ध मानव समाज तुकू प्राकृति, पर्यावरण किन ध्वंस कींता। सिर्फ पूंजीपतिरके इद युद्धम लाबम ता पंटा आंदु।

युक्रेन देश ते जरगना युद्ध तुकू दण्डकारण्य ते जरगना आटुम तुकू प्रत्यक्ष,परोक्ष रूप ते संबध मंता। बेद आटुम ते उडतके वेंडे "बुसके बुधवार" आटुम ते इट्टा परवा मोला मिंदे" इंदना लेक्काने मिंदे। पेट्रोल, डीजिल मोला 100 रू. पोरोने तरगामुंता। ऑड डालर तुकू लग-भग 80 रू. तुकू गटेमत्ता। तिंदना-उंडना सब्बे रकम ता सामान किन डब्बल मोला बेरस्ता। ऑड आटुम तिंची इंकोड आटुम तुकू मोला मोयोल तरंगसोरेने मंता। ग्रामीण इलाका ते शहर ते बत्काना गरीब जनता, मध्यम वर्गि जनता युद्ध कारण ते मोला पेरसना बोजा तुन कांजामुंतोर। मना देश ता सरकार वेंडे महंगाई ता किस्स किन ओस्सो तुरसोरे साम्राज्यवादीर किन सेवा कीसोरे मंदा मुंता।

सिर्फ साम्राज्यवादीरके इद युद्ध लाबम तद आंदु। नालगु वर्ग ता जनता, सर्वहारा वर्ग जनता किन नुकसान कियना युद्ध आंदु। इद साम्राज्यवादीरा युद्ध खिलाफ ते दुनिया ते मंदना सर्वहारा वर्ग ऑडैय आसी युद्ध खिलाफ ते लडेमायकाल। विश्व मानव शांति मैदे नव समाज निर्माण मैदे संगे-संगे कल्सी दायकाल। शोषलिस्ट सांस्कृति निर्माण मैदे कैयदे-कैय कल्पसोरे मुन्ने दायकाल।▲

सांस्कृतिक संघर्ष न्ग रिपोर्ट्स!

दक्षिण बस्तर डिविजन सी.एन.एम 6वां अधिवेशन क्रांतिकारी महौल ते संपन्न अत्ता!

सांस्कृतिक कार्यकर्ता लोर 'समाधान' हमला ना नडमाने 2021, 29 अक्टूबर तिना 1 नवंबर एवना। दक्षिण बस्तर सी.एन.एम 6वां अधिवेशन 4 दिना ताकसी क्रांतिकारी महौल ते संपन्न अत्ता। "समाधान" सैनिक हमला ते जीवा पोहता कामरेड राजे, भीमा, सोमड़ी लेक्काटा सांस्कृतिक योद्धा लोरा बलिदान कुन ढोल-कलम झण्डा संगे तेहसी पोयसोरे, जन सांस्कृतिक समुन्द्र ता कीके लेक्का, जन समुन्द्र ता 'कला दूका' बनेमत्तोर।

अत्ता 3 साल ता आचरण तुन तम्मा संगे पोयसी वत्ता सांस्कृतिक योद्धालोर



सी.एन.एम ता 6 वॉ अधिवेशन ताकी कीसि संगठन ता काम-काज तुन आचरण ता नजदीक एवना अंजी समीक्षा कियनोंकु कोशिश कित्तोर। सभा कार्यक्रम ता पूरा तैयारी अक्टूबर 28 ते मारता।

4 एरिया ना मेजारटी प्रतिनिधिलोर 28 तारिख मुल्पेट सभा ते कल्यनोंकु दसयों किलो मीटर तल ताकी-ताकी वत्तोर। 29 अक्टूबर ते अद जागा पूरा संस्कृति कला महौल ते बदलेमासी लाल अत्ता। सांस्कृतिक कलाकर लोर सी.एन.एम ता ड्रेस कोड ते जाबुर जंगल ते अमरेमासी माड़क

ना आकी लेक्का तोंदामुंतोर! गिव-गिव वडय वासी 'दाट' इंजो रैली मैदे करंगता। बलिदान तिना लाल अत्ता सी.एन.एम झण्डा, कलाकारलोर किन स्फूर्ति-प्रेरणा इत्ता। "शहीदीरा बलिदान संस्कृति तुन तेहसी पोयदाकाल" इंदना नारा अदु जंगल ते उरा वडय अत्ता। 'कला दूका' तेहता। कला दूका संगे वत्ता रैली, "केंद्रीय कमेटी सदस्यीर कामरेड साकेत दा. कॉ.रामन्ना, कॉ. लखमु दा. कॉ. अंबर दा. लोरा कम्पुन" ते ओडयी "कॉ. रूकनी, कॉ. ज्योति ना कला ग्राउण्ड" ते वास नित्ता। सांस्कृतिक शहीद योद्धा लोरा एजा ते नारा नालू मुलान गुडंजता। अव नारा नालू वर्गम एकता तुन पोरो तेहसी पोयसोरे मुन्ने अत्ता। कमाण्डर ना काशन ते झण्डा प्रोटोकल चालू अत्ता। 'सावधन' काशन ते ग्राउण्ड पूरा 'रेड सेल्युट' ते अत्तास्के डिविजन सी.एन.एम इंचार्ज कामरेड निर्मला सगठन ता झण्डा तुन तेहता। सी.एन.एम झण्डा ता आशय-लक्ष्य किन उच्चस्तर ते तेहसी पोयसोरे सांस्कृतिक कलाकारीर ... "उंगामुंता-उंगामुंता रो" इंजोरे झण्डा पाटा ओत्तोर।

सांस्कृतिक आंदोलन तुन मुन्ने ओयना क्रम ते 'समाधान' खिलाफ ते सांस्कृतिक युद्ध ता अग्राणी योद्धा आसी आत्मसाम्मन ते अंतिम जीवा दायना जोम जन सेवा कित्ता, सांस्कृतिक कला योद्धालोरा एडका ते "शहीद मृत्यु जय" स्मारक तुन कामरेड देशु आविष्कार कित्तोर। 'जोहारलू' पाटा संगे शहीदीर किन एडका कीसोरे। दो मिनट मौहनम कित्तोर। शहीदीरा पेददीर -पेददीर ते श्रद्धांजली अर्पित कित्तोर। नवजनवादी संस्कृति निर्माण मैदे इत्ता बलिदान कुन आये दायईवोम इंजी नारा इत्तोर। सभा कार्यक्रम, आल्केने कैम्प संबंधित ता विवरण कमाण्डर वेहसोरे झण्डा प्रोटोकाल समाप्त अत्ता। इदे संदर्भ ते मींगता महौल किन इंका मींगि कियना मैदे कामरेड्स किन मिठाई तूसतोर।

दोपहर 2:30 बजे पहली सेशन चालू अत्ता। महासभा ते शामिल आयनोंक वत्ता सोबे प्रतिनिधिलोर किन आलके पर्यवेक्षक कामरेड्स किन स्टीरिंग कमेटी कामरेड्स "स्वागत करते हैं" पाटा संगे "कामरेड राजे ना हाल" ते आह्वान कित्तोर। कामरेड निर्मला आल्के डिविजन कमेटी कामरेड्स देशु, गंगी प्रतिनिधिर आलके पर्यवेक्षक कामरेड्स किन बेडज प्रधान कित्तोर। सब्बे कामरेड्स तम्मा-तम्मा परिचय इत्तोर। इद कार्यक्रम माडता पेरके महासभा तुन प्रोटोकल अनुसार ताकी कियना मैदे कामरेड निर्मला 4 मुल संगे ओण्डू अध्यक्ष वर्ग ता पैनाल तुन हाल मुन्ने पेश कित्तास्के अदिन हाल एक

मत संगे आमोदन कित्ता। सभा तुन सही दिशा ते ताकी कियना मैदे 7 मुल संगे मत्ता स्टीरिंग कमेटी तुन मंच पोरो आह्वान कित्ता सभा अध्यक्ष वर्गम।

शुरुआत भाषण कॉ. चंदू दा. इत्तोर। लाल-सलाम वेहसोरे...! "नेटता दिनाम ऐतिहासिक तौर पर सी.एन.एम मैदे नरगे महत्व ताद आंता। अत्ता 3 सालदा समय नरगे मुल्यवान तादू। समय मना मैदे रोमो,मनल समय संगे मिर्रा लागिंता, अस्केने जीड़ा परदिताम। 'समाधान' नडमा नेंडु दक्षिण बस्तर सी.एन.एम ता 6वां अधिवेशन जरपामुंताल। सांस्कृतिक संघर्ष किन फासीवादी हमलांगना नडुमाने मनल मुन्ने ओया मुंताम।

2002 ते "ऑलइंडिया कल्चरल वर्कशॉप" ताकता। पेरके डी.सी.एस.सी निर्माण अत्ता। 2004 ते सी.एन.एम तुन जनसंगठन लेक्का घोषित कीसि निर्माण कर्तव्य किन एत्ताद मंता। मनल पहली महत्व सैध्दांतिक रूप ते, आलके निर्माण पोरो, आ पेरके जनसंस्कृति तुन क्रांतिकरण कीयना पोरो ध्यान इत्ताल। नेंडू डीके मेंड 14 हजार सी.एन.एम कार्यकर्तालोर शोषक वर्गनोरा समाधान किन सवाल ईसोरे सांस्कृतिक संघर्ष ते निच्चि मंतोर। ई अत्ता सालकुना लोपा कित्ता मना सब्बे कामरेड्सना मेहनत आंदू। दीन किन मनल ऊडना।

नेंडू डिविजन परिस्थिति उड़तेके नन्ना ठोस रूप ते दो पंचायत निर्माण ते डिगी ऊड़तस्के समझेमत्ताद बाता इतके, सी.एन.एम संगठन ते ओण्ड पीढि गुजरेमत्ता। पूना पीढि वत्ता। प्रोग्राम्स नेल्लय ईयामुंतोर, मति ओर किन प्रशिक्षण हिल्ला। कारण दमन इंजो आल्सामुंताल, मति इदिन संगे मना प्रोग्राम प्लानिंग ते मंदना समस्या किन वेण्डे सुधरा कीयना जरूरत मिंदे। आलकेने मनल समाज ते जनवादी संस्कृति तुन निर्माण कीयना मैदे मेहनत कियना। साम्राज्यवाद नेंडू हर एक माने ना दिमाक ते गंदा तुन गुट ईस नीहता। फिलहाल मना डिविजन ते वत्ता जनताना किडनी बीमार इदिनकु नेल्लता उदाहरण लेक्का उड़नांता। समस्या एर तादु, मति इगा अंधविश्वास प्रधान आता, अदेनके समाज ते मंदना तोग एयतना जिम्मेदार मना सी.एन.एम तादे।

मना सामूहिक सांस्कृति किन अडडम वासोरे साम्राज्यवादीर विष संस्कृति किन तत्ता मुंतोर। कय तुक ओंडु मोबाइल ईसोरे ओरा विश्वव्यपार बाजारू लोपा पिडिंगसि ओयाना ऊड़ा मुंतोर। इदिना प्रभाव आखर ते सी.एन.एम ते वेने ओड़िता। अदेनके सामूहिक संस्कृति ता निजम ता

अर्थ तुन मनल जनताना दिमाक ते डिप्पना। समाज ते जरगना सांस्कृतिक संघर्ष ते मनल वर्ग चेतना तुन प्रदर्शित कीयना।

मना संस्कृति कला संगे जनता किन सेवा कियना। इद महासभा माड़ने मना कमी-कमजोरी पोरो हाल ओण्डू स्पष्ट समझदार ते वायाना। परिस्थिति हर क्षेत्र ते मनकिन अनुकुल मंता। इदू नजर ते तासी गहराई ते चर्चा चला कीसि महासभा तुन सफल कीतीर इंजो आशा कीयामुंतान सबे तोरकिन लाल सलाम” वेहसोरे तना भाषण तुन समाप्त कित्तोर। इगाटकु सभा ता पहली सेशन माड़ता।

इम्मा दिना 30 तारीख दूसरी सेशन ते “अमर शहीदीर किन जोहार” प्रस्ताव कामरेड रमेश पेश कित्तोर। अत्ता 3 साल ते डिडिजन सी. एन.एम अध्यक्ष कामरेड राजे,डिडिजन कमेटी सदस्य कामरेड भीमाल ना संगे पूरा 18 मुल सांस्कृतिक कला योद्धालोर शासक वर्ग ताकी कित्ता पाशविक राज्यहिंसा ते, बीमारी ने अलग-अलग कारण ते शहीद अतोर। “शहीदीरा आशय तुन पूरा कीयाकाल” ,“सांस्कृतिक संघर्ष तुन मुन्ने ओयकाल” नारा संगे प्रस्ताव तुन हाल आमोदन कित्ता।

जेल कामरेडस किन जय-जयकार प्रस्ताव कामरेड पेश कित्ता। अत्ता 3 साल ते झूठा केसकिने गिरफ्तार आसी जेल ते मंदना 20 मुल सी.एन.एम कार्यकर्तालोरकिन हाल, जय-जयकार प्रकट कित्ता। जेल लोपा वेण्डे सांस्कृतिक आंदोलन कुन निर्माण कीयना इंजी अपील कीसोरे ओरा निस्वार्थ भावना ना प्रेरणा ते संगठन ता आशय किन मुन्ने ओतोम इंजी हाल प्रस्ताव तुन आमोदन कित्ता।

कामरेड निर्मला सभा मुन्ने ‘हाल एजेण्डा’ पेश कित्ता। इदिन हाल आमोदन कित्तास्के सभा ता कार्यक्रम एजेण्डा अनुसार चालू अत्ता। वर्तमान राजनीतिक परिस्थिति कामरेड चंदू दा. विवरण ईसोरे “साम्राज्यवादीरा आर्थिक संकट ,कोरोना संगे दुनिया ता आर्थिक स्थिति नरगे देबा तित्ता। सामाजिक ,सांस्कृतिक ढांचा तुन वेण्डे इद व्यवस्था ध्वस्त कीयामुंता।

बहुधुवीय दुनिया ते नेंडू खासकर अमेरिका-चीन नडमा युध्द महौल तैयार आसी मिंदे। अफगनिस्तान ते तालीबान अमेरिका सेना तुन पूड़ी सत्ता तुन कैदे पोयत्ता। दुनिया मेंड मौलिक अंतर विरोधकु दिन-ब-दिन तेज

आयमुंता। देश ते उड़त्के बेस्केने लेवा पूना स्थिति तुन जनता 'ब्राम्हणीय हिन्दूत्व फासीवाद' रूप ते सामना कीयामुंता।

इदू फासीवाद नेण्डू राजसत्ता तुन तना कैदे पोयसी शासन कीयामुंता। इद नेक्का बिड़िया खतरा। इद महौल ते देश मेंड ता सामाजिक तबका ना असंतुष्ट ता नतीजा दिल्ली किसान आंदोलन,सिलंगेर लेक्काता कैम्प विरोधी आंदोलन, शाहीनबाग महिला आंदोलन रूप ते मनाकिन पोड़कने तोन्दामुंता। अदेनके ब्राम्हणीय हिन्दूत्व फासीवाद ता खिलाफ ते मनल कीयना सांस्कृतिक संघर्ष ता महत्व तुन समझेमासी मना कर्तव्य किन वेण्डे मजबूत कीयना जरूरत मंता इंजी वेहसोड़े भाषण तुन मापतोर। दूसरी सेशन माड़ता।

सी.एन.एम ता घोषणा पत्र संविधान तुन कामरेड चंदु दा. पेश कित्तोर। घोषणा पत्र ते इंजेता परिस्थिति अनुसार ते बदलाव कीयना जरूरत ता इच्चुक विषय पोरो विवरण ता संगे स्पष्टता इत्तोर। भारत देश ता जनसंख्या 135 करोड इंजी मीडताना, अटानामास (स्वायत्तता बस्तर) बस्तर मांग तुन कल्पना, आलके दुनिया ता नंबर-1 दुश्मन अमेरिका जागा ते बहुध्रुवीय दुनिया ता शोषण अन्य विषय किन कल्पाकाल इंजी विवरण इत्तोर। हाल ओण्ड-रेण्ड विषय ते तम्मा विचार तुन पोरो कमेटी आमोदन मैदे तासोरेने एकमत संगे घोषण-पत्र संविधान तुन आमोदन कित्तोर।

दोपहर ता तीसरी सेशन लोपा सी.एन.एम ता समीक्षा-निवेदिका पोरो चर्चा ताकता। 31 तारिख नरकोम ता चौथी सेशन ते समीक्षा-निवेदिका ता मूण्ड भाग किन मुविर कामरेड्स देशु,गंगी,रमेश पेश कितोर। निर्माण, सांस्कृतिक कला-साहित्य, प्रचार आंदोलन राजनीतिक,सैध्दांतिक कार्य ईले अलग-अलग क्षेत्र ते सी.एन.एम ता प्रयास तुन इद समीक्षा गहराई ते अंजि पेश कित्ताद मंता। दीना पोरो चर्चा ताकता।

हाल ते पेश कित्ता उच्चुक विषय किन जोड़ा कीले अत्ता। इद समीक्षा पोरो आधार आसी कित्ता आंकलन तुन स्टीरिंग कमेटी तिना कामरेड अशोक पेश कित्तोर। खास रूप ते ऊड़त्के अत्ता 3 सालदे डिविजन कमेटी तना समस्या ने इरकी मंजी संगठन तुन ठोस गैडलेंस ईया परवो अत्ता। मति दोड़ मंदना कमेटीवु संगठन ता काम-काज बेगेने रोमताद हिल्ला। कला-साहित्य क्षेत्र ते परत्तचोन कोशिश ताकता।

सांस्कृतिक क्षेत्र ते वेण्डे उच्चूक प्रोग्राम्स ताकता, मति संगठन ता निर्माण,राजनीतिक, सैध्दांतिक कला-साहित्य प्रशिक्षण विषय ते पेरके अरतोम। संगठन तुन गैर सर्वहारा रुझानकु तिना सुधरा कीयना जरुरत मिन्दे। कुल मिलकर ऊड़तस्के अत्ता 3 साल लोपा दुश्मन ताकी कित्ता गंभीर समाधान हमला ना नड़मा सांस्कृतिक आंदोलन निल्पी कित्तोम इंजी आंकलन कित्तद मंता।। इदिना पोर्रो आधार आसी हाल वायना सभा एवना अमल कीयना 12 पूना कर्तव्य किन एत्ता।



इविन लोपा मुख्य रूप ते सीएनएम तुन सैध्दांतिक, राजनीतिक, सांस्कृतिक कला क्षेत्र ते मजबूत कीयना, कार्पेट सेक्यूरिटी दडुम ते संगठन किन अलग-अलग रूपते विकास कीयना, मल्टी मीडिया-सोशल मीडिया पोर्रो पकड़ तत्तना, वाइध्यकार, स्पेशलिस्ट लोर किन,राजनीतिक-सांस्कृतिक गुरुजी लोर किन तैयार कीयना, बदलेमायना परिस्थिति ते मनवा कला-साहित्य बदलाव पोर्रो, साम्राज्यवादी जहरीली संस्कृति खिलाफ ते जनवादी संस्कृति तुन विकास कीयना इंजोरे ईले अलग-अलग कर्तव्य किन महासभा एत्ता।

5 वीं सेशन ते आलोचन-आत्मालोचन ताकता। डिविजन कमेटी अत्ता 3 सालदे चला कित्ता राजनीतिक, सांगठनिक कला-साहित्य कार्यक्रम कुने जरगता कमी-कमजोरीना पोर्रो कमेटी तौर पर आल्के व्यक्तिगत हिसाबते आत्मालोचन पेश कित्तोर। आत्मालोचना सेशन मारता पेरके इद एजेण्डा मारी कीसि डिविजन कमेटी रदद अत्ता।

पूना कमेटी चुनाव मैदे एंचता 9 मुल कामरेड्स ना पेददरी मंदना पैनाल तुन कामरेड निर्मला हाल मुन्ने पेश कीसि हाल आमोदन ताल्कता। प्रतिनिधिर उच्चुन समय ऐतिसी चर्चा कीसि आखरी इद पैनाल तुन एकमत संगे आमोदन कित्तोर। चुनेमत्ता पूना कमेटी.....अध्यक्ष,उपाध्यक्ष,सचिव, कोशाध्यक्ष किन अध्यक्ष वर्गम सभा ते घोषित कित्ता।

सभा ते हाजिर अत्ता 5 मुल पर्यवेक्षक कामरेड्स महासभा संचालन पोर्रो तमा-तमा विचार किन हाल मुन्ने पेश कित्तोर। महासभा ता महत्व तुन समझेमायनोंक, व्यक्तिगत रूप ते पुंदानोंकु प्रतिनिधि कामरेड्स कित्ता चर्चा

नेल्लय उपयोग अत्ता इंजी वेहसोरे इंजेता परिस्थिति अनुसार सी.एन.एम एत्ता कर्तव्य किन निभा कीतीर इंजो विश्वास कीसोरे पर्यवेक्षक कामरेड्स तमा-तमा भाषण तुन माड़ी कित्तोड।

माडेंगड भाषण कामरेड छत्तीसन्ना वेहसोरे.....“सी.एन.एम संगठन किन महत्वपूर्ण इतिहास मिन्दे। संगठन ता कर्तव्य वेण्डे नरगे महत्व तावु। संगठन तुन हर क्षेत्र ते मजबूत कीयना। गैर सर्वहारा रुझानकु तिना सुधरा कीयना जिम्मेदार मीवा पोर्री मिन्दे। कार्पेट सेक्युरिटी नडमा संगठन काम-काज तुन विकास कीयना। संगठन किन अलग-अलग रूप ते विकास कीयना। मनवा साहित्य संगे जनता किन सही संदेश एवदना लेक्का ऊडना।

सांस्कृतिक निर्माण विषय ते मीरू कित्ता चर्चा किन नजर ते तासी अविन पहली मना व्यक्तिगत बत्काड ते अमल कीयनोंक प्रयास कीयना। अद दिशा ते मनल एत्ता कर्तव्य ना वेस ते संगठन तुन मजबूत कीतिर इंजी विश्वास कीयामुंतान” इंजो वेहसी तना भाषण तुन मारी कीसोरे लाल सलाम वेहतोर। हाल कार्यक्रम मारता पेरके हाल पूरा सावधन,रेड शल्यूट ते मंजी हाल किरिया कित्तोर।

नवम्बर 1 तारीख नरकोम एर्रा पोडुदु पेयतानस्के सबे कैम्प कामरेड्स, सांस्कृतिक कार्यकर्तालोर झण्डा प्रोटोकाल मैदे “कामरेड्स रूकनी,ज्योति ना कला ग्राउंड”ते जमा अत्तोर। झण्डा डिपना मुन्ने 4 दिना ते महासभा ताकि कित्ता चर्चा-समीक्षा-आंकलन,एत्ता पूना कर्तव्य ना सारांश तुन पूना कमेटी ता अध्यक्ष कामरेड अशोक संक्षिप्त रूप ते वेहसित्तोर। आलके चुनेमत्ता पूना कमेटी तुन वेण्डे परिचय कित्तोर।

ईले सभा कार्यक्रमकु आखर अत्ता। कमाण्डर ना काशन ते ग्राउंड रेड शल्यूट ते मंजी ‘इंटरनेशनल’ पाटा ओत्तोर। पेरके कामरेड अशोक पाल-आउट आसी झण्डा डिपतस्के सभा कार्यक्रमकु समाप्त अत्ता। एता पूना कर्तव्य किन तमा अट्टाने कांजी सांस्कृतिक कार्यकर्ता लोर पोडुदु संगे पोटी आसोरे अपना-अपना कार्यक्षेत्र ते पेस्तोर। ▲

पश्चिम बस्तर डिविजन सी.एन.एम 6 वीं अधिवेशन रिपोर्ट

पश्चिम बस्तर डिविजन ते, एरिया लोपा सी.एन.एम निर्माण आसी डिविजन लोपा समाधान दमन,कार्पेट-सेक्युरिटी नडमाने अग्नि-मग्नि जीवा संगे सांस्कृतिक संघर्ष किन मुन्ने ओसोरे मंता। 2017 ता डिविजन अधिवेशन ते पोयता कर्तव्य तुन पूरा कियना लक्ष्य ते इद 6 वीं अधिवेशन एवना ऑड-ऑड कार्यक्रम तुन पोयसी काम कियामुंता। इद अनुसार ते 3 साल ता सी.एन.एम



काम-काज तुन नाटे,पंचयात स्तर ते समीक्षा कीसि गुलैय 4 एरिया ने ग्राम सभा, पंचयात सभा जरपताद मंता। इव दोड़ स्तर ता सभा मारता पेरके एरिया स्तर ता सभा किन संचालन कित्तद मंता। बेचोन कठिन परिस्थिति मतके वेंडे मुख्य रूप ते, क्रांतिकारी जनता, संगम, कमेटी, मिलिशिया कामरेड्स नरका-पेयाल संतरी-पेट्रोलिंग सुरक्षा मददत हित्तोर।

भैरमगढ़ एरिया सी.एन.एम अधिवेशन जरपना मैदे प्रतिनिधिलोर जमा अत्तास्के दुश्मन वासी डेरा पोरो हमला कित्तोर। सावधानी एता कारण ते नुकसान अत्ताद हिल्ले। पेरके वेंडे अगता परिस्थिति किन उडसी भैरामगढ़ एरिया सी.एन.एम अधिवेशन तुन सफल कित्तद मंता।

ईले सोबे एरिया ने सभा ताकी कीसि आखिरी ते डिविजन स्तर सी. एन.एम अधिवेशन जरपना मैदे प्लानिंग कित्ताद मंता। तेना अनुसार ते चार एरिया निंची सी.एन.एम प्रतिनिधि लोर किन खबर कित्तास्के सरउडडी पुलिस कैंपी, थाना, टावर, रोड़ी मतके वेंडे ताकी-ताली एरिया ना निंची सुरक्षा जागा ते एवतोर। डिविजन सी.एन.एम कमेटी गुलैय वातस्के 3 तारिख तिंची 4 तारिख एवना सी.एन.एम काम-काज तुन समीक्षा कित्ताद मंता। इदे समय ते

अधिवेशन जरपना मैदे जागा उड़सी हाल, ग्राउंड, कम्प्युन, स्तूपान बना कीसि पोस्टर, बैनर रास्ताद मंता। आलकेने अधिवेशन शुरू कीवा मुन्ने अलग-अलग एरिया निंची वत्ता प्रतिनिधिलोर किन काँ. उंगा दा. ऑंड पूटा परिस्थिति वेहतोर।

नवंबर 2021, 5 तारिख नरकोम रोलकाल कित्ता पया कैंप अंतर्गत हाल, कम्प्युन, ग्राउंड, सेक्शन, किचन, सुरक्षा, सी.एन.एम मंच ते पोस्टर, बैनर वाटताद मंता। 9 बजे नरकोम आस-पास परिस्थिति पूरा किलयार अत्तस्के सी.एन.एम कलाकारलोर ड्रेस झंडा, मूया तोहसी, डोल, डम्पली कांजी ग्राउंड ते वासी वैय-वेडका ते डोल पेंसोरे डाका वाटसोरे, पाटा पारसोरे, नारा हीसोरे ग्राउंड सरने रैली कीसि कम्प्युन ते एवसी कमाण्डर ना काशन संगे स्तूपान मुन्ने मूंड लाईन निंची रेडसल्यूट कीसि, डिविजन सी.एन.एम अध्यक्ष काँ. उंगा दा. फाल-आउट आसी सी.एन.एम झंडा फयहरा कित्तोर।

अस्के सी.एन.एम झंडा पाटा पारतोम। काँ. दीपाक स्तूपान अविष्कार कीसि अमर शहीदलोरा पेद्दरी पढाई कीसि विवरण ते परिचय कित्तोर। अस्के अमर शहीदीर किन 2 मिनट मौहनम कीसि जोहारलू पाटा पारतोम।

झंडा प्रोग्राम मारतास्के पांता कमेटी कामरेड्स हालदा गेट ते लाईन निच्ची स्वागत पाटा पारानस्के प्रतिनिधि कामरेड्स लाल सलाम कीसोरे हाल लोपा स्वागत कित्ताद मंता। हालते अंजी पाटा, डाका तोहसोरे, नारा हीसोरे सभा महौलना जोश पेरसि कित्तोर। 12 बजे समय ते छुट्टी कित्ताद मंता।

वेंडे 2 बजे ते हालदे जमा आसी 6 वीं अधिवेशन तुन चला कियना मैदे डिविजन सी.एन.एम अध्यक्ष काँ. उंगा दा. अध्यक्ष वर्ग किन चुना कियानिक आह्वान कित्तोर। हाल प्रतिनिधिलोर अध्यक्ष वर्गम किन चुना कित्ता। वीरु मंच पोरो वासी धन्यवाद वेहसोरे प्रतिनिधिलोर किन, साथि संगठन तोर किन, अबजरवर कामरेड्स किन पेदिदर-पेदिदर ते केयसी बेडज वाटी स्टीरिंग कमेटी किन आह्वान कित्तोर। स्टीरिंग कमेटी चुनेमत्ता पया टाइम टेबल वेहसी हालदा ऑंड-ऑंड एजेंडा पेश कित्तद मंता।

उदघटन भाषण काँ. सीतु दा. इत्तोर। जेल कामरेड्स किन जय-जय कार प्रस्ताव का. पाले वेहता। एसजडसी संदेश काँ. दिलीप दा. पढाई कीसि वेहतोर। सी.एन.एम घोषणा-पत्र काँ. कला पढाई कीसि रेंड पूटा वेहता। 3 साल ता सी.एन.एम काम-काज समीक्षा काँ. उंगा दा. पेश कित्तोर।

किसान संघर्ष पोर्षे प्रस्ताव कॉ. सोनू वेहतोर। जनसंघर्ष पोर्षे प्रस्ताव कॉ. उंग्ग दल. वेहतोर। कोरोना वॉयरास पोर्षे प्रस्ताव कॉ. सीतु दल. वेहतोर। महिला प्रतिनिधि प्रस्ताव कॉ. कलल वेहता। दमन नडुडल सी.एन.एडु कलड-कलज डदुधलति पोर्षे प्रस्ताव कॉ. सोनू वेहतोर। रिक्कूटडेंट पोर्षे प्रस्ताव कॉ. डुधरू वेहतोर। आदिवलसी रीति-रिवलज सलडुरलजुवलदी संसुकृति, अंधविशुवलस पोर्षे प्रस्ताव कॉ. डलले वेहता। सुकली नेटवरुड प्रस्ताव कॉ. कलल वेहता। इव प्रस्ताव किन 6वीं अधिवेशन आडुदलन कितुता।

डिविजन सडुडलकुषल, सी.एन.एडु डुषणल-डतुर पोर्षे प्रतिनिधिलुलर गहरलई ते कुरुल कलस वेहतलनल डुडे नललू डेकक डनल कलसल, वेहतलनीक टलईड हलतुतलद डंतल। इद डुखुडल रूड ते नलरुडण कलड-कलज पोर्षे, आदिवलसी रीति-रिवलज पोर्षे, अंधविशुवलस पोर्षे, सलडुरलजुवलदी संसुकृति, डलहर कलकलरल पोर्षे आलकने सी.एन.एडु डुषणल-डतुर पोर्षे वेंडे तडुडल कुल दलल संगे कुरुल कलतुतुलर। आलकने सी.एन.एडु डुषणल-डतुर ते नेंड तलकनल डरलसुथलति अनुसलर ते डूनल-डूनल वलषड कलन कलतुडलके ओडलतल इंजुल प्रतिनिधिलुलर कुरुल कलतुतुलर। इव कुरुल कलतुतुल वलषड कलन वेंडे रेंड-डुंड नुल कलतुतुलद डंतल।

आलकने 3 सलल लुलडल डिविजन ते सी.एन.एडु नलरुडण ते संसुकृतिक संघर्ष कलन डुनुने ओडुनल कुरड ते दुशुडन तल सडलधलन-डुरललर हडलल तुन कलउंटर कलसुलरे 13 डुल सी.एन.एडु कलरुडकतुललुलर शहीद अतुतुलर। अदली-डदली 109, कडडुलरी ते टेंडतलनलर 95, डेंडुल अतुतुल डलहलल 126, तुलटल 343 डुल सीएनएडु तलनल डलहर अतुतुलर।

सी.एन.एडु ते डंजुल वुडुडतुगलत डदलई कलतुतुलनलर 77 डुल, कलल वरुडशुडुड 4 दड डरडतुडुड। डूनल तैडलर कलतुतुल कलल सलहलतुडड डलटल 269, डलकल 104, नलटक

11, आलकने सी.एन.एडु नलरुडण तलंकी 159, डुल कलन रिक्कूटडेंट कलतुतुडुड। इव सुलडे वलषड कलन लडु-डुग 4 दलडल प्रतिनिधि कलडरेडुस लुलर कुरुल कलतुतुलर। ओलर कुरुल कलतुतुल वलषड तुन सुटीरलंग कडुडुल वलवरण ते कलवल डुलतुतुल डडुडल सडुडलकुषल तुन अनुडुदलन कलतुतुद डंतल।

डेरके प्रतिनिधि लुलर कलरलडल कलसल डूनल कडुडुल 7 डुल कलन कुरुनल कलसल अधुडकुष, उडअधुडकुष, सकलव कुलषअधलकलरी, वरुड डिविजन तुसुतलद डंतल।

पूना कमेटी चुनेमत्ता पेरके अध्यक्ष वर्गम मत्ता कामरेड्स 6 वीं अधिवेशन मारता इंजी गुलैय तोर किन धन्यवाद वेहसोरे मंच तिंची डिगतोर।

2021/नवंबर/ 9 तारिख 11 बजे ते पूना कमेटी अध्यक्ष कॉ. उंगा दा. मारंगड संदेश हिसोरे डिविजन सी.एन.एम 6वीं अधिवेशन सफल अत्ता इंजो घोषणा कित्तोर।

2:30 बजे ते हाल तिना ग्राउंड ते वासी पूना-पूना कमेटी कामरेड्स किन किरिया कित्तोर। आखिरी भाषण ते 6 वीं अधिवेशन तुन सफल कियानीक मदद हित्ता,क्रांतिकारी जनता, संगम, कमेटी, मिलिशिया कामरेड्स किन आलकेने कैंप लोपा समय-समय ते संतरी-पेट्रोलिंग किचन व्यवस्था कित्ता, पीएलजीए कामरेड्स किन कॉ. उंगा दा. अभिवादन वेहसोरे इंटरनेशनल पाटा पारी झंडा डिपताद मंता। ▲



समाधान-प्रहार हमलांग नर नडग्राणे जनता, पीएलजीए मदत ते
पारेवा-गडचिरोली अमर शहीद लोरा आडियो-वीडियो
पाटांग रिकार्डिंग प्रोग्राम सफल कित्ताल!

गडचिरोली ते प्रतिक्रांतिकारी समाधान दमन ता प्रहार 1-2-3 ता हमला किन हारे कियना लक्ष्य पोयसी दुश्मन ना संगे आमने-सामने लडेमासोरे अलग-अलग मुठभेड कुने शहीद आता, मावा जीवता कामरेडस ना जीवनियां तुन मावा विशाल जनता ना लोपा प्रचार कियना इंजोरे मावा पश्चिम सब जोन ब्यूरो प्रस्ताव कित्ता अनुसार ते 15 दिया ता प्रोग्राम तय कीसि मावा पी.एल. जी.ए. क्रांतिकारी जनता ना मदत सहयोग ते समाधान दमन लोपाने इद प्रोग्राम किन सफल कित्ताद मंता।

कामरेडस 2-3 मार्च तुक जम्मा आतोर. नेता परिस्थिति तुन उडसी कम से



कम खोब्रामेंडा आनि पैडी अमर शहीद लोरा पाटांग किन 10 या 15 पाटांग रिकार्डिंग कीसि उचुक मेन-मेन ता पाटा किन वीडियो वेंडे शूटिंग कीसि क्रांतिकारी व्यापक जनता लोपा, प्रचार कियना इंजी आल्सताद मंता। इव अमर शहीदीरा पाटा किन रिकार्डिंग कियला साटी 5-6 तारिख तल शुरू कियना इंजी आल्सीस मत्तोम, मति 5 तल 9 तारिख एवनल दुश्मन ना अभियान मत्ता साटी 4 दिया रोमताद मंता। पया 9 तल शुरू कीसि 14 तारिख नरका 11 बजे एवनल पाडना आनि पूना रास्ताव पाटांग किन रिकार्डिंग कियना मारता। 15 तारिख तल ओसो उचुक मेन-मेन ता आडियो किन वीडियो शूटिंग कीसि

जनता ना लोपा प्रचार कियना इंजी आल्सतोम. अद हिसाब ते 15 तारिख तल वीडियो शूटिंग कियला काजे पाटांग किन रिर्हासल कीसि उंदी दिया वीडियो शूटिंग कियला साटी हाल बना किताद मंता।

15 तारिख दिया ते 2019 जुलाई तल 2021 नवम्बर 13 ते पारेवा मुठभेड़ ते शहीद आता कामरेड्स एवनल अलग-अलग कामरेड्स रास्ता पाटांग किन एडीटिंग, रिर्हासल कीसोर रिकार्डिंग कित्तद मंता। इव पाटांग रासता लोपा शहीद कॉ. दीपक दादाल, खोब्रामेंडा शहीद लोरा हिंदी, मराठी पाटांग रासतोर. बाकी तव अलग-अलग तम्मा परिचय मत्ता कामरेड्सलोर आनि तम्मा युनिट ते मत्ता कामरेड्सलोरा पाटा रासतोर. ओसो इद 15 दिया ता प्रोग्राम लोपा पूना पाटांग पारेवा शहीद लोरा 20 पूना पाटांग रास्तोम. पाड़ना पूना 52 पाटांग रिकार्डिंग कीतोम.

मावा कलाकार लोर अलग-अलग डिफार्मेंट तल आनि लोकल तल 20 जन मत्तोर. वेर सब्बे कलाकार लोर वेने 14 घंटा अराम लेवा वेल्ला मेहनत कीसि पारेवा अमर शहीद लोरा पाटांग रासता. तेना लोपा 9 जन कामरेड्स कॉ. सावन, प्रकाश, भगत, रंजु, सूरज, शाईनाथ, शांति, श्रीनु, संतिला ना पाटा रासता हिल्ले मति पारेवा टोटल शहीद लोरा पाटा ते जोड़े कित्तोम.

इद मौका ते कम से कम डीवीसी, सीवाईपीसी कामरेड्स ना गलेय रासना इंजी आलसीस रास्तोम. पिस्ता कामरेड्स ना पाटा पया एवसी कियला कोशिश कियाकोम. अलग-अलग मुठभेड़ ते आनि दूर्घटना ते शहीद आता कामरेड्स नल उड़तेक 2019-11 जुलाई तल कारेकसा तल कॉ. संजु नल पोयसी नारकसा, किसनेली, खोब्रामेंडा, पैड़ी, मुरचुल, पारेवा अद्रमे झारेवाड़ा एवनल शहीद कामरेड्स ना पाटांग रासतोम।

मति पैड़ी, किसनेली, झारेवड़ा, मुरचुल, ते शहीद आता ओसो उच्चुन मुल कामरेड्स ना पाटांग रिकार्डिंग केवोम अत्तोम। नेटा "समाधान" दमन ता नखूम मंजी सबे शहीद कामरेड्स ना पाटांग एवसी कियला कोशिश कित्तोम मति परवोम आतोम. बाकी कामरेड्सना पोर्री शहीदीरा जीवनी पुत्ता कामरेड्स जरूर रासितोर इंजि आशा कीसोरे मंतोम। फिलहाल दोरकता पाटांग किने रिकार्ड कित्तद मंता।

कामरेड्स-गड़चिरोली ते शहीद आता कामरेड्स ना लोपा सबे तोर जवान कामरेड्स, वेल्ला योगदान मत्ता कामरेड्स आंदुर. अलग-अलग कार्यक्षेत्र लोपा अनुभाव मत्ता कामरेड्स आंदुर. वेर कामरेड्स ना जीवनियां अलग-अलग मंता. पाटा कॅजतेक समझे मायार. आणि मावा जनता लोपा मावा जीवा ता शहीद कामरेड्स ना जीवनियां प्रचार आंता इंजी माटु आशा किंतोम.

इव सब्बे पाटांग कुना लोपा आडियो-वीडियोना लोपा साहित्य-कला प्रमाण किन बेरसी कियना जरूरत मंता। मेजारटी कामरेड्स पूना कामरेडसे अत्ता कारण ते इदु समस्या मंता। सी.एन.एम निर्माण देबा तिंजि, सी.एन.एम टीमसे हिल्वा परिस्थिति लोपा शहीदीरा जीवनी किन जनता नगा एवसि कियना इंदना उद्देश्य ते इदु प्रयास कित्ताद मंता। दुश्मन ना दमन कारण ते जनता लोपा प्रत्यक्ष प्रोग्राम्स हियना लोपा समस्या किन सामना कीसोरे मंतोम। मति इव समस्यांग ना नडुमाने साहित्य-कला प्रमाण किन बेरसी कियला साटी कोशिश कियना जरूरत मंता। अद्रमे इव आडियो-वीडियो किन ऊडिसि तम्मा-तम्मा सलाह-सूचना ईतीर इंजि आशा कीसोरे मंतोम।▲



पश्चिम बस्तर डिविजन ते वै-वेडकाते मज्जे मत्ता बालाल महोत्सव (बालाल पण्डुमे) !



नेशनलपार्क एरिया :- 2022 फरवरी 5 तारिख ते नालू आरपीसी तिंचि नूनी, पापालोर किन, इंका क्रांतिकारी जनता ना सरकार हॉस्टल ते पढाई कियना छात्रलोर किन कल्पी दो दिया क्रांतिकारी वैय-वेडका ते बालाल पण्डूम ताकता । 5 तारिख मुल्ये 4 बजे, 4 आरपीसी तिंचि वत्ता, नूनी, पापालोर, पोस्टर, बैनर, केंदे पोयसी रैली नारा केयसोरे सी.एन.एम पाटा-डाका वाटसोरे बालाल संगठन जिन्दाबाद! बालाल संगठन तुन मज्बूत कियकाल! इंजो नारा हिंसोरे ग्राउण्ड बट्टी ने एवसी ग्राउण्ड ते वासी मूण्ड लाईन गुलाई तोर किन निल्पी कीसी प्रोटोकाल कित्ता पाया सी.एन.एम अध्यक्ष, सी.एन.एम झण्डा निल्पी कित्तास्के "उंगामुन्ता-उंगामुन्ता", सी.एन.एम झण्डा पाटा सोबे तोर ओण्डेय लेंग ते पारतोर। अमर शहीद लोर किन दो मिनट मौनम किसी अगा प्रोग्राम किन शुरू कितोम। आल्केने बाकी पंचायतकुना लोपा, आरपीसी लेवल हिसाब ते दो-दो दिया, 5 जागा ते बालाल पण्डूम जरपताद भिंदे। इव पण्डूमकुने मुख्या रूप ते नूनी,पापालोरा वैज्ञानिक चेतना तुन पेरसी कियना उद्देश्य ते बालाल संगठन वेहताद नियम, तिंदना-उंडना साफ-सफाई मंदना मंदाना इंजो, मानव विज्ञान



किन पुंदाणीक, स्कूल पढाई करियना, नशा पदार्थ (धुम्रपाण) विडसना। वेरोन किन वेरोन पासकनायो। मान-सम्मान ते मंदना। मुण्डाड आयनायो। डोंगाना बुध्दी मंदानायो। आल्केने समांतवाद, साम्राज्यवाद, सांस्कृति किन विरोध कियना इंजो वेहताद मिंदे।



इंदे अयवा मुल्पेड समय ते क्रांतिकारी सिनेमा, विज्ञान सिनेमा, 'चिल्लर पार्टी' सिनेमा तोहताद मिंदे। आल्केने इगता आदिवासी रीति-रिवाज अनुसार ते पायी, मेलाक, बोगम डोलक,

पाटा क्रांतिकारी जोश-खरोश संगे नूनी, पापालोर एंदतोर। इंका वॉलीबाल वेण्डे नडमा-नडमा करसी किताद मिंदे। नूनी पापालोर किन दिनाल नरकोम मुल्पे अपना-अपना पंचायत ता सी.एन.एम कमेटी कामरेड्स जिम्मेदारपूर्वक ते सक-सका एर मिहसी कुडता-गिसडी उकना मैदे साबुन, नारियाल तेल तूसीताद मंता। कुपोषण किन दूर कियला पौष्टीक आहरा मैदे पूरिंग, आरिंग अर्वींग सब्बे तोर किन आलाना लेक्के बेगा वेंडे कमी आयवा लेवा नेक्का-नेल्ला स्पेशल प्लानिंग कित्तोर।

पोस्टर 135, इद पण्डूम ते शामिल अत्ता नूनी, पापालोर, नूनी 250, पापालोर 570, कूल टोटल 1090 मुल शामिल अत्तोर। इगा उडानीक वासमत्ता जनता नानो 248, दादालेर 1587 मुल शामिल अत्तोर। इद बालाल पण्डुम किन सफल कियना मैदे आस-पास मंदना आरपीसी ना क्रांतिकारी जनता, संघम कमेटी कामरेड्स, मिलिशिया कामरेड्स मददत ते संतरी, पेट्रोलिंग सुरक्षा नडमाने बालाल पण्डूम किन सफल किताद मिंदे



xaxkywj ,fj;k&% बालाल संगठन किन सामाजिक-राजनीतिक एजुकेशन



हिसोरे ओरा चेतना तुन पेरसी कियना मैदे पोर्रो कमेटी कित्ता प्रस्ताव अनुसार एरिया ते 3-4 आरपीसी किन कल्पी 7 बालाल पण्डुम प्रोग्रामतुन 2-2 दिना ताकी कित्ताद मंता। इद महोत्सव मैदे जनताना सरकार तोर टिंडी व्यवस्था मुन्नेने तैयार कीसी मत्तोर। बालाल मीटिंग ते सी.एन.एम कामरेड्स दिसम्बर महिना ते बालाल

पण्डुम कियना इंजो हर नाटे बालाल-पापालोर किन वेहतोर। इद कबुर कॅजता नूनी, पापालोर मुन्नेने तैयार ते मत्तोर। 'पण्डुम ता दिनाम एवता, दायना मंता' इंजो कबुर कित्तास्के हशी-खुशी ते तम्मा यायो-बाबो नूनी, पापालोर किन, तम्मा जोला ते करदना कुडता, मुच्चाना गिसडी, तारना जिली साबुन तेल, दायनस्के करवीक अत्तीर इंजो टिपीन डब्बाने डोडा जोड़पी लोहतोर।

नूनी, पापालोर अपना-अपना लोतिना वायनस्के उचुन बिडिया तोर जनताना सरकार तैयार कित्ता नूका, कुस्सीर आरे-पारे ते तोची/कांजी तत्तोर। सी.एन.एम कामरेड्स, जनसंगठन, जनताना सरकार अध्यक्षलोर तम्मा-तम्मा नाटेना नूनी, पापालोर किन जमा कीसी तत्तोर। जमा जागा ते एवना जोम करसोरे-करसोरे वासी मुल्पेडक 3-4 बजे ते पण्डुम जागा ते एवतोर। अलग-अलग पंचायत ता नूनी, पापालोर कल्यतास्के नेक्का खुशी अत्तोर। मुल्पेडक समय ते सोबे तोरकिन जम्मा कीसी नाड़ नरकोम पण्डुम शुरू कियना मंता इंजो कमेटी कामरेड्स वेहतोर।

दूसरा दिना नरकोम सोबे नूनी, पापालोर किन एर मिहतना मैदे सी.एन.एम कामरेड्स कुयेर ते ओसी एर मिहसी तत्तोर। साबुन हिल्वानोर किन एर मियना, कुडता उकाना मैदे जनताना सरकार तोर साबुनी वेण्डे तूसीत्तोर। पेरके गुलैय तोर जमा अरसी 8 बजे पण्डुम आयना जागा ते वासी दो लाईन निचि रैली कियना शुरू कित्तोर।

1. बालाल महोत्सव तुन क्रांतिकारी वैय-वेडका ते मानेमायकाल!

2. अंधविश्वास तुन टेण्डाकाल! विज्ञान (सैन्स) विचार करियाकाल!
3. साफ-सफाई मंदकाल! बीमार तुन पूण्डाकाल!
4. स्कूल-पडाई करियाकाल! मानव समाज पुंदाकाल!

इंजो नारा केयसोरे पण्डुम आयना जागा ते वत्तोर। बालाल संगठन ते मंजी दुश्मन ता फर्जी मुठभेड़ ते शहीद अत्ता, नूनी, पापालोर किन सुरता कियाला सोबे तोर लाईन ते नित्तोर।

करका नाटे ना मडकाम सोम्बरु उम्र 12, मेट्टापाड़ ता पुनेम सोम्बरु उम्र 16, हर्ना नाटे ना ओड़ी सन्नू उम्र 10, दुश्मन तोर फायरिंग किसी औकी कुयेर ता उस्का ते बोंगा डेवी मिसतोर। लाश मना कैदे हिवोर। पूम्बाड़ नाटे ना पुनेम रूकनी उम्र 15, काराम मंगली 13, एडसमेट्टा नरसंहार ते काराम मासाल 15, पूनेम लखू 15, काराम बदरू 8, काराम गुड्डू 10 मुल नूनी-पापा लोर दुश्मन दमन ते शहीद अत्तोर।

वेर किन पेदिदर-पेदिदर ते जोहार वेहसी पण्डूम तुन शुरू कित्ताद मंता। सोबे तोर किन उदी कीसी मिठाई आरी, पिरकी, बिस्केट्स तिहतोर। उददघटन भाषण ते पण्डूम ता महत्व तुन वेहसोरे जनयुद्ध-जनसंघर्ष लोपा बालाल संगठन ता महत्व बेले मंता इंदनादु, अंधविश्वास बारे ते कुपोषण बीमार तिंची बचेमासोरे



शरीरिक मानसिक विकास मैदे पौष्टिक आहार तिन्दना नशा,निशा चीज कल-लंदा, पोगो, मंजन, राजश्री तिन्दनायो साफ-सफाई मंदना, करसी वत्ता पया गिस्डी कुड़ता नल्ला उक्काना एर मियना साम्राज्यवादी सांस्कृति पितृसत्ता बुद्धि मंदनायो, यायो-बाबोन संगे

मान हीसी वेहतना मिडदनायो, इंजो समझा कित्ताद मंता। मनवा आदिवासी नूनी, पापालोर मुन्ने तिना बेद-बेद खेल करसीतोर? इंदना एरिया सी.एन.एम कमेटी मीटिंग ते मुन्नेने चर्चा कीत्तद मंता। अदे अनुसार आदिवासी रीति-रिवाज ते मंदना खेल-कूद करसी कित्ताद मंता। हर दिना नरकोम नूनी,पापालोर करसना बट्टी ने जमा आसी शुरू कियनोर। सीएनएम कमेटी नेतृत्व तेने करसी कित्तोर। अट्टी पोडिसी सोबेतोर किन नल्ला सेवा कित्ताद मंता। नूनी, पापालोर करसता, खेल-कूद(1).काका पिल्ला गद्धा ओत्ता किवी-किवी, (2) रिंग तिड़या बाड़ती रिंग

तिड़या सप अड़का बाड़ती सप अड़का (3) आपा-आपा गुंडू-गुण्डू (4) पिल्ली किसी मिरराना (5) इत्ता पेण्डेक लेक्काना (6) बडगा मिस्सना (7) गाडा एस्की विल-काड़दे वाटाना (8) कोर कस्से करसाना (9) लेंग आचाना (10) कोण्डा ने गिसडी तोहसी पुतला तुन रेहतना (11) तल्ला-तल्ला कुटय तला भापी इंजो मिंजना (12) दुर्रम-दर्रम बेलोसा-बेलोसा आकीन अत्के वेरोटे-वेरोटे (13)



बरंगमाली-बरंगमाली चिगोती-चिगोती लेकूटाव खेलकूद करसतोर। इवे अयवा इंका बहार ते करसानाव खेल, कबड्डी,खो-खो पिटूल सुवा बिल्ली ओतेला कबरदार-कबारदार, बकरी भागो शेर को पकड़ो इंजोर

अलग-अलग खेलकूद किन ताकी किताद मंता।

पण्डूम ते सोबे नूनी,पापालोर सामूहिक हिसाब ते करसना एन्दना, तिन्दना, मंदना मतानकु लोन एजा कीवा लेवा नेक्का नल्ला वेड़का संगे मत्तोर। कुपोषण किन दूर कियला पौष्ठीक आहार हियना मैदे आदिवासी सामूहिक नेल्लुता परंपरा अनुसारते आरिंग,पूरिंग अर्वींग सब्बे तोर किन आलना लेक्के स्पेशल प्लानिंग कित्ताद मंता।

इद बालाल महोत्सव (बालाल पंडूम) ते नूनी 976, पापालोर 1073, टोटल=2049 मुल शामिल अत्तोर। अट्टी, पोड़सी तिहतना मैदे महिला 24, पुरुष 46, टोटल=70 मुल जनसंगठन जनताना सरकार, सी.एन.एम कामरेड्स महिला 44, पुरुष 53, टोटल=97. इव पण्डूम प्रोग्राम किन पी.एल.जी.ए नेल्लयता सुरक्षा इंताजाम कित्ता। पण्डुम ते बीमार अरतानोर नूनी, पापालोर किन पंचायत डॉक्टर टीम अगाने मंजी जाडी बूटी दवाई, इंग्लिश दवाई संगे इलाज कित्तोर। नूनी,



पापालोर पैयाल,पोड़द करसी-करसी मुल्पेड़ समय ते वैज्ञानिक हिसाब ते मंदना विडियो क्रांतिकारी विडियो उड़सी गुडियनोर। ओण्ड दिना वेसूड़, तासराम वेहतना इंजो केतास्के सोबे तोर खुशी ते लाईट वेहस ते उदी मंजी तमाक पुता वेसूडी केंजी कित्तोर। आखिरी दिना सोबे तोर वैय-वेड़का ते बाजा, डोल्क, पाटा



बालाल नूनी, पापालोरा प्रदर्शन

एंदतोर। “नूंग पुंगार जल्ली—जल्ली बालाल पण्डुम कीयकाल नूनी वैय”, “लाल पोड़द पेसामुंता मोरोड़ पुंगार लाल वैय नानो इंजोरे” प्राकृति किन संबंघ मंदना पाटा पारोरे 2—3 घण्टा एंदतोर। सी.एन.एम कामरेड्स पाटा, डाका, नाटक तोहतोर। इद पण्डुम मारना जोम नूनी, पापालोरा खुशी इंदनाद मारो। आखिरी ते सोबे तोर लाल सलाम कीसि अपना—अपना नार,लोन अत्तोर। इद बालाल महोत्सव नूनी, पापालोर बेस्के वेण्डे मारंग्वा लेवा एजा मंदना दिनाम लेक्का ओण्ड क्रांतिकारी महौल तुन बना कित्ता। दुश्मन ता गस्ती अभियान नडमाने मिलिशिया जनताना सुरक्षा ते बालाल महोत्सव क्रांतिकारी उत्साह संगेने सफल अत्ता।

भैरमगढ़ एरिया- जनसंगठनकु, जनता ना सरकारकु निर्णय कित्ता अनुसार ते बालाल पण्डुम किन 4—5 पंचायती कल्पी 25 दिसम्बर 20221 ते हशी—खुशी ते



एरिया मेंड मानेमत्ताद मंता। इगा शामिल अत्ता बालक—बालिका बुर्जआ स्कूल पढ़ाई छात्रलोर नूनी—पापालोर शामिल अत्तोर। 2 दिना कार्यक्रम

तुन ताकी कीसि, खेल—कूद, कबड्डी, पीटो—पाटा लांगमार्च संगे पंडुम जर्गता। 2—3 जागा क्रांतिकारी पाटा, वीडियो मुल्पेड़क 6 बजे तिंची नरका 12 बजे एवना उड़तोर।

कुपोषण किन दूर कियला, आदिवासी परंपरा समिष्टी तिंदना—उंडाना अनुसार ते बालाल तोर किन मन पसंदता पौष्टिक आहार तिहतना मैदे पूरिंग, आरिंग अर्वींग सब्बे तोर किन आलाना लेक्के सब्बे रकम ता स्पेशल प्लानिंग कित्ताद मंता।



इव सब्बे क्रांतिकारी जनताना सरकार कमेटी ता नेतृत्व ते ताकता। एरिया सी.एन.एम टीम तोर मंजी टाईम टेबल अनुसार ते प्रोग्राम किन ताकी कितोर। इदिन सुरक्षा मैदे मिलीशिया समय अनुसार ते पेट्रोलिंग, संतरी सुरक्षा

मंजी ताकी कित्तोर। एरिया ते 5 जागा ते 19 पंचायत नोर शामिल अत्तोर,।

नूनी 3134, पापालोर 3643, स्कूल छात्रलोर नूनी 570, पापालोर 444, पूरा टोटल 7791 मुल शामिल अत्तोर, पोस्टर 55, बैनर 5, पाटा 52, बिरिया डोलक 15, तच्ची मत्तोर।

जनता वेण्डे सुडून मुल हर आरपीसी तिंची नूनी-पापालोर किन पोयस वत्तानोर। पुरुष 260, महिला 181, कुल टोटल 442 शामिल अत्तोर। ईले, क्रांतिकारी जोश संगे हशी-खुशी ते 2 दिना प्रोग्राम ते शामिल अत्तोर। आखिरी ते एसी कामरेड्स, भाषाण नारा-संगे समाप्त किसोरे मारी कित्तोर।▲

2021 ते दरम्या डिविजन सी.एन.एम रिपोर्ट!

2021 ते 28 जुलाई शहीद सप्ताह दिवस ता मौका ते पंचायत सी.एन.एम तोर किन करंगी मंजी 28 जुलाई संदेश किन वेहसी मंजी पाटा,डाका, नाटक 1-2 दिना प्रैक्टिस किया वेहताद मंता। इद अनुसार ते पंचायत सी.एन.एम तोर, तमा-तमा पंचायत ते अंजी जनता लोपा प्रोग्राम हित्ताद मंता।

21 सितंबर पार्टी स्थापना दिवस समय ते पंचायती सी.एन.एम अध्यक्ष लोर किन करंगी मंजी ओर किन 21 सितंबर संदर्भ ता डाका,पाटा,नाटक पोर्नो ट्रेनिंग हीसि अवे डाका,पाटा,नाटक संगे जोश-खरोश के साथ जनता लोपा प्रचार कित्ताद मंता।

2 दिसंबर पीएलजीए दिवस ता समय ते वेंडे मौका मत्ता जागा लोपा पी. एल.जी.ए दिवस वेंडे मानेमत्ताद मंता। हजारों संख्या ते लोपा नाहकिना जनता, सरतिरयी कैप मतके वेंडे इव दिवसकुने शामिल आसी पाटा, माटा, डाका, नाटक, भाषण ऑड क्रांतिकारी जोशिला संगे केंजी अत्तोर। बेगा-बेगा मना क्रांतिकारी जनता ना सरकार मंदना पंचायती लोपा सी.एन.एम कामरेड्स प्रोग्राम रेग्युलर हिसाब ते ताकी कियामुंतोर। इंका नडमा-नडमा बेस्के ता परिस्थिति अस्केने पोयसी पंचायती सी.एन.एम कलाकारलोर किन ट्रेनिंग हियाना, प्रोग्राम अनुसार ते वेहतानद ताकामुंता। ▲

पूर्व बस्तर डिविजन सी.एन.एम कित्ता प्रोग्राम ता रिपोर्ट!

पूर्व बस्तर ते 28 जुलाई शहीद सप्ताह दिवस ता मौका ते, मना जनता ना सरकार मंदना जागा लोपा सी.एन.एम कामरेड्स प्रोग्राम हित्ताद मंता। 21 सितंबर

पार्टी स्थापना दिवस समय ते वेंडे नाटे स्तर सी.एन.एम कामरेड्स ना संगे पाटा, डाका, नाटक प्रैक्टिस आसी 21 सितंबर दिवस तुन वैय-वेडका ते मानेमत्ताद मंता। 2 दिसंबर पीएलजीए दिवस किन वेंडे वैय-वेडका संगेने मानेमत्ताद मंता। इंका अलग-अलग मीटिंग संदर्भ ते पाटा, पीटो, नाटक तैयार कीसि व्यापक जनता एवना प्रचार कित्ताद मंता। इद हिसाब ते दमन नडमाने मंजोरे सी.एन.एम कार्यक्रम किन ताकी कियामुंतोम।▲

माइ डिविजन सी.एन.एम कित्ता प्रोग्राम ता रिपोर्ट!

2021 ते क्रांतिकारी दिवसक, नेलनार, कुतुल, इंद्रावति इव मूंड एरिया लोपा, 28 जुलाई शहीद सप्ताह दिवस, 15 अगस्त झूठी आजादी काला दिवस, 21 सितंबर पार्टी स्थापना दिवस, 2 दिसंबर पीएलजीए पुटता दिवस इव दिवसकुने एरिया सी.एन.एम, पंचायती सी.एन.एम कामरेड्स कल्यी इव दिवसकु ना संदर्भ अनुसार ते पाटा, डाका, नाटक प्रैक्टिस आसी जनता लोपा ओंड क्रांति ता जोशिला संगे व्यापक जनता एवना लड़ाई संदेश तुन एवी कित्ताद मंता।

2022 ते इंद्रावति एरिया लोपा 112वीं भूमकाल वर्षगांठ तुन एरिया, पंचायती स्तर एवना सी.एन.एम कलाकार लोर पाटा, डाका, नाटक संगेने हजारों जनता लोपा कला प्रदर्शन संगे भूमकाल दिवस ता संदेश एवी कित्ताद मंता।

8 मार्च अंतर्राष्ट्रीय महिला दिवस तुन वेंडे इंद्रावति एरिया लोपा ओंड क्रांति ता महौल ता संगे हजारों जनता ई दिवस ते शामिल आसी पाटा, डाका, नाटक संगे गिर्दा-गिर्दा ते मानेमत्ताद मंता। इद दिवस लोपा वेंडे सी.एन.एम कामरेड्स कला प्रदर्शन हित्ताद मंता।▲

2022 ते इंद्रावति एरिया लोपा यूक्रेन देश पोरों साम्राज्यवादीर ताकी कीयना युद्ध खिलाफ ते जन सभा!

यूक्रेन पोरों साम्राज्यवादीर ताकी कियना युद्ध खिलाफ ते 11 पंचायत ता जनता जमा आसी रूस प्रधान मंत्री, अमेरिका प्रधान मंत्री, भारत ता प्रधान मंत्री ना मूंड पुतला बना कीसि मोदी मुर्दाबाद, पुतीन मुर्दाबाद, जोबैडन मुर्दाबाद, इंकलाब जिंदाबाद,साम्राज्यवाद मुर्दाबाद इंजो पोस्टर, बैनर कैदे पोयसी नारा केयसोरे जनता रैली कीसोरे मीटिंग ग्राउण्ड ते जमा अत्तोर। मीटिंग शुरू अत्ता पय्या जनता उद्दी मंजी भाषण केंजाना,पाटा,डाका, नाटक उड़ना, इंका नड़मा-नड़मा ते नारा हियना, यूक्रेन पोरों ताकना युद्ध खिलाफ ते नारा इयना कित्तोर।



अमेरिका साम्राज्यवाद मुर्दाबाद! रूसी साम्राज्यवाद मुर्दाबाद! यूक्रेन पोरों ताकना युद्ध बंद करो! इंजो जनता नारा केयत्तोर। ईले ऑड क्रांति ता महौल ता संगे मानेमत्ताद मंता। इंका रूस प्रधान मंत्री, पुतीन मुर्दाबाद! अमेरिका प्रधान मंत्री जोबैडन मुर्दाबाद! मोदी, मुर्दाबाद। इंकलाब जिंदाबाद! साम्राज्यवाद मुर्दाबाद इंजो नारा ता संगे इव मूंड पुतला किन जनताये पोड़सिसी तमा विरोध किन प्रकट कित्तोर।

इंद्रावति एरिया ते बालाल संगठन ता रातबड़ी (स्कूल) ता रिपोर्ट!

इंद्रावति एरिया लोपा उडत्के बालाल संगठन ता नूनी-पापालोर पेयाल-पेयाल अपना-अपना यायो-बाबोरा संगे कल्थी लोता बूता कीसि मुल्येड 6-7 बजे समय ते डोडा तिंजी पूरा नाटे ना नूनी, पापालोर गोटूल ते जमा आसी नरका कम से कम 2 घंटा एवना स्कूल पढाई कीसि, 1 घंटा एवना खेल-कुद करसना शुरू कींतोर। करसना मारता पेरके अगेय गोटुल ते उंजी नरकोम अपना-अपना लोन तेदी मंजी दान्तोर। इद ऑड क्रांतिकारी महौल ते वर्ग लड़ाई ता चेतना पेरसी कियना मैदे, वैज्ञानिक ज्ञान तुन बेरसी कियना मैदे नूनी-पापालोर किन नेल्लय उपयोग आसोरे मंता।▲

पश्चिम बस्तर डिविजन सी.एन.एम टीम ता रिपोर्ट!

डिविजन सी.एन.एम टीम ऑड-ऑड एरिया ते अंजी क्रांति दिवस, विरोध दिवसकुने अगा ता एरिया सी.एन.एम, पंचायत सी.एन.एम टीमकुना संगे कल्थी हजारो जनता लोपा पूना-पूना सांस्कृतिक-राजनीति संदेश तुन एवी कियामुंतोम। जुलाई महीना 2021 ते गंगालूर एरिया लोपा मूंड पंचायत ते दक्षिण ब्यूरो तिंची वत्ता कोरोना पाम्पलेट, संगम, कमेटी, आम जनता एवना क्लास वेहताद मंता। इगा शामिल अत्ता, महिला 682, पुरुष 714 मुल मत्तोर। इद प्रचार अभियान मौका ते रेंड पंचायत ना सी.एन.एम कलाकारलोर किन रेंड-रेंड दिया ट्रेनिंग हीसि कोरोना पाटा, नाटक किन जनता मुन्ने तोहतोम।

इद ट्रेनिंग ते सी.एन.एम महिला कामरेड्स 17, पुरुष 19 मुल शामिल अत्तोर। 3 अगस्त, शहीद सप्ताह मौका ते पी.एल.जी.ए कामरेड्स अमर शहीदीरा संस्मरण सभा जरपतोर। इद सभा ते डिविजन सी.एन.एम टीम वेंडे शामिल अत्ता। देश मेंड ताकना क्रांतिकारी आंदोलन ते जनता मैदे जीवा हित्ता वीर योद्दालोरा आशय किन पूरा कियाकाल इंजो शहीदीरा पाटा तैयार कीसि सभा मारना जोम ऑड-ऑड पाटा संगे प्रोग्राम हित्ताद मंता।



इदे महीना ते डिविजन पार्टी कमेटी ता दूसरी अधिवेशन 6 वीं प्लिनम ताकता, इगा वेंडे डिविजन, एरिया सी.एन.एम टीमक 20 मुल संगे कैंडर पाल्सी प्रोग्राम इत्ताद मंता। बोल्शेविक पाटा, मार्क्सवाद दर्शनशास्त्र पाटा, दुश्मन कियना मानसिक युद्ध दुष्प्रचार पाटा, सरेंडर पॉल्सी, विस्थापन, जनता समस्या पोरो पूरा 56 पाटा हाल, ग्राउंड ते समय अनुसार ते पारताद मंता।

भैरमगढ एरिया ते 21 सितंबर पार्टी स्थापना दिवस समय ते 5 आरपीसी जनता संगे बिडिया जन सभा, क्रांतिकारी उत्साह ते मानेमत्ताद मंता। इद दिवस ते शामिल अत्ता जनता महिला 415, पुरुष 661, नूनी 113, पापालोर 106 मुल शामिल अत्तोर।

इगा डिविजन सी.एन.एम संगे 5 आरपीसी ना सी.एन.एम कलाकारलोर महिला 31, पुरुष 28 मुल शामिल आसी ऑड जोश संगे प्रोग्राम हित्ताद मंता।

आलकेने 3 बजे तिना 4 बजे एवना जनता किन बिड़िया डोल्क ना संगे—संगे एंटी कित्ताद मंता। 2021 दिसंबर 8 तारिख ते नेशनलपार्क, मद्देड रेंड एरिया ना जनता संगे रेंड दिना बिड़िया मीटिंग पीएलजीए 21 वीं वर्षगांठ किन हशी—खुशी ते मानेमत्ताद मंता। 18 तारिख, 11 बजे एवना पीएलजीए सेना ता महत्वपूर्ण ता भाषण ताकता। 4 बजे तिना नरकोम वेंडे 11बजे एवना जनता किन अपना—अपना रीति—रिवाज कला संगे ऑड करसाड लेक्काने एंटी कित्ताद मंता। इद दिवस ते वत्ता जनता, महिला 1965, पुरुष 2651, नूनी 115, पापालोर 125 मुल शामिल अत्तोर। ई दिवसने डिविजन, एरिया, पंचायती सी.एन.एम कलाकार लोर 65 मुल कल्थी समय—समय ते रंग—रंगीना पाटा नृत्य नाटक तोहसी दिवस तुन नेक्का नल्ला मानेमासी सफल कित्ताद मंता। ▲

भैरमगढ़ एरिया ते भूमकाल दिवस किन मज्जेमत्ता रिपोर्ट

2022 फरवरी महान भूमकाल 112 वी वर्षगांठ तुन वैय—वेडका ते मानेमत्तोर। जोन क्रांतिकारी जनताना सरकार तिना वत्ता भूमकाल संदेश किन एरिया ते ओसी आट मंड मुन्नेने तीन जन संगठन जनताना सरकार समन्वय कीसोरे नार—नार संदेश तुन एवी कित्तोर। महान भूमकाल नेतालोर, गुण्डाधूर, गेंदसिंह, डेबरीधूर, आयतू महारा, सडमेक बाबूराव ना शहादत ता इतिहास आलकेने क्रांतिकारी जनताना सरकार ता महत्व तुन विस्तृत रूप ते पाटा, माटा,डाका, नाटक, पीटो संगे व्यापक जनता एवना प्रचार कित्ताद मंता।

7—8 तारिख ते रोड़, पुलिया, स्कूलने वाल राइटिंग, दिवाल लेखन 3 बैच अंजी पोस्टर, पर्चा वाटी वत्तोर। इद दिवस तुन सफल कियानोंक मिलिशिया, पीएल मिलिशिया, भूमकाल मिलिशिया, जीआरडी सरतिरथी संतरी, पेट्रोलिंग, एम्बुश सुरक्षा मंजी दुश्मन ता गश्ती लगातार मतके वेंडे सफल कित्ताद मंता। पंचायत स्तर ते 19 जागा लोपा शामिल अत्ता जनता, महिला 3999, पुरुष 5898, नूनी 878, पापालोर 767, टोटल 11542 मुल शामिल अत्तोर। नाटे स्तर ते वेंडे 13 जागा लोपा शामिल जनसंख्या महिला 284, पुरुष 3128, नूनी 219, पापालोर 210 टोटल 640 मुल शामिल अत्तोर। सी. एन.एम कामरेड्स पाटा पारताव 28, पोस्टर 350, बैनर 5, परंपरागत हथियार, गोडेली 21, कस्से 38, विल्कु 18, काडी 99, बिड़िया डोल्क 25, गुजुरी 30, रंजे 15 तच्ची वैय—वेडका ते एंटी—पारी भूमकाल दिवस किन मानेमत्तोर।▲

भैरमगढ़ वेचापाल स्थापति पुलिस कैंप किन हटा कियन मदे एरिया ता जनता न्न अंदोलन!

जनता न्न सरकार कॉ. कमलू

केंद्र –राज्य सरकार कल्यी बस्तर ते मंदना खनिज सम्पति किन लूट कीसि ओयनोंक बस्तर ता जनता किन विस्थापना कीसि जल-जंगल-जमीन तुन कब्जा कियानोंक रक-रकम ता योजना, रोड़, पुलिया, पुलिस कैंपक वाटी माओवादी पार्टी किन खत्म कियना लक्ष्य ते देशम ते ताकना अलग-अलग जनसंघर्ष किन दबा कियना मदे बस्तर ते लाखों फोर्स किन तैनात कित्तोर। 2020 दिसंबर ते वेचापाल ते जबरन कैंप वाटी रोड़, पुलिया निर्माण कियना, जनताना कमाई ता ईरू, इत्ता एतेल, ईदी, गोरगा, नेंड मर्राक किन तेंडी एसना, दाया-वायना जनता किन रेहता-कोटा कियामुंतोर। आस-पास नाहकिने गश्ती वासी लूट-पाट कीसि कोरक, मेका, पद्धी पैसा सोना, चांदी अलग-अलग सामान किन डोंगी ओयमुंतोर। दिसंबर 26 तारिख ते कैंप हटा कियना मांग पोयसी 5-6 हजार जनता रैली तेंडतोर। मति बाता जवाब हिल्ले। 2021 नवंबर 29 तारिख ते भैरमगढ़ ब्लाक ते 65 ग्राम पंचायत ता जनता 11 हजार मुल एक जुट आसी वेचापाल कैंप हटा कियना, रोड़, पुलिया बंद कियना इंजो, इंका ओयाम मंगली किन बलात्कार कित्ता दोषी पुलिस अधिकारीर किन कार्रवाही कियना इंजी मांग कित्तोर। वेचापाल पंचायत स्कूल छात्रलोर किन कारेन्ट वाटी यातना कित्ता टीआई किन सजा हियना। नीलम मधूम फर्जी मुठभेड़ कित्ता पुलिस, डीआरजी किन सजा हियना संगे-संगे पूरा 23 सूत्रीया मांग किन पोयसी आदिवासी नेतालोरा नेतृत्व ते वेचापाल तिना



मिरतुल थाना एवना 5 किलो मीटर पैदल रैली कीसोरे वेचापाल कैंप मुन्ने करवीने धरना प्रदर्शन कीसि उद्दतोर।

40 पंचायत तिना टीम हिसाब ते वासी धरना ते लग-भग 2-3 हजार संख्या ते जनता मंजी आदिवासी रीति-रिवाज, डाका,पाटा पारोरे कला मंच तोर डाका तोहसोरे नरकोम मुल्ये पेन अकुम ऊदी पेनकुना जिम्मेदारी तोर पूजा-पाट कीसोरे चला कीसोरे 15 तारिख ते वेचापाल तिना शेरली कैंप एवना 3 किलो मीटर लगभग 5 हजार जनता रैली फैदाल यात्रा कीसोरे वत्तोर।

24 दिसंबर ते लग-भग 7 हजार जनता अलग-अलग समाज तोर गोंडवाना, सर्वसमाज, मीडियाकर्मी, पत्रकारलोर, छात्रलोर आदिवासी नेतालोर किन आह्वान हीसि करंगी पेसा कानून, ग्राम सभा कीसि एसडीएम किन ज्ञापन हित्तोर। 29 दिसंबर 2021 ते 50 पंचायत तोर किन जमा कीसि कलेक्टर विधायक किन ज्ञापन हीसि समस्या तुन तुरंत हल कियना इंजी मीडिया सामने इंटरव्यू इत्तोर। इंजेके 600-700 संख्या ते मंजी रेग्युलार ते रैली धरना कियामुंतोर।

2022 जनवरी 4 तारिख ते लगभग 8-9 हजार जनता बस्तर ता अलग-अलग एरिया तिना वासी वेचापाल धरना तुन समर्थन हिसोरे पोस्टर,बैनर पोयसी इदु जन आंदोलन किन मददत इत्तोर। गंगालूर धरना, नारायणपुर, गोमपाड़ धरना तोर बस्तर ते पुलिस कैंप किन हटा कियना, नरसंहार,फर्जी मुठभेड़ ता एफआईआर कीसि डीआरजी, टीआई दोषि अधिकारी किन सजा हियना इंजो नारा हिसोरे कैंप रोड़, पुलिया बंद कियना जोम जुझारू आंदोलन जारीये तासाकाल इंजी वेहतोर। ▲

गंगालूर एरिया सी.एन.एम कित्ता प्रोग्राम न्न रिपोर्ट!

एरिया ते 21 सितंबर पार्टी स्थापना दिवस मौका ते पंचायत,एरिया टीमकु कल्पी मंजी 52 मुल कलाकार लोर जमा आसी पार्टी दिवस ता पाटा, डाका, नाटक प्रकटीश आसी इदु दिवस ते प्रोग्राम हित्ताद मंता। एरिया ते 3-4 पंचायत किन कल्पी 7 मीटिंग कित्तद मंता। हर दिवस ते सी.एन.एम कामरेड्स जनता लोपा पाटा, पीटो, भाषाण संगे जनता किन राजनीति संदेश एवसि कित्तद मंता।

इद दिवस ते महिला 5698, पुरुष 6781, नूनी 2932, पापालोर 2049 टोटल 17460 मुल जनता तम्मा आदिवासी रीति-रिवाज ते मंदना बिड़िया डोलकु 55, मेलंकु 11, डप्पली 13, तुडमी 6, कुंडुडी 15, डोलक 5, गुजुरी 80, कोहकट्टा 3, इचोन रकम ता संगीत वाध्यम किन पोयसी वासी दिवस ते जनता वैय-वेड़का ते एंदी-पारी अत्तोर। आलकेने सी.एन.एम कामरेड्स वेंडे जनता लोपा क्रांतिकारी सांस्कृति संदेश तुन एवी कित्ताद मंता।



2 दिसंबर पीएलजीए 21 वीं वर्षगांठ तुन क्रांतिकारी हर्षोलास संगे मानेमत्तोर। एरिया मेंड पंचायत स्तर ता 20 सभा जरगता पेरके 7-8 तारिख ते 5-6 आरपीसी कल्पी 4 बिड़िया दिवसकु मानेमत्ताद मंता। इगा महिला 5664, पुरुष 6427, नूनी 1221, पापालोर 1743 टोटल 15055 मुल शामिल अत्तोर। जनता तम्मा परंपरागत हथियार विल्क 869, काड़ी 1997, गोडली 33, कस्से 628, पोयसी वत्तोर। इद दिवस आयना मुन्नेने 3 जनसंगठन जनताना सरकार कामरेड्स जनता लोपा प्रचार कीसोरे इव दिवसक किन मानेमत्ताद मंता। सी.एन.एम कलाकारलोर 3-4 दीना मुन्नेने जमा आसी 50-55 मुल संगे ऑड-ऑड दिवस मैदे पाटा, डाका, नाटक करयी मंजी जनता लोपा पीएलजीए महत्व तुन वेहसोरे सांस्कृति कला प्रदर्शन हित्तोर।

इद दिवस ते भाषण, पाटा ओयना मारतस्के 3-4 घंटा जनता किन आदिवासी सांस्कृति नानो पाटा, बिड़िया डोलक, बाजा, मेलंकु ना संगे सामूहिक हिसाब ते एंदतोर। बिड़िया डोलक 480, गुजुरी 162, बाजा 43, मेलक 8, कोहकट्टा 10 पोयसी वासी वैय-वेड़का ते सी.एन.एम कलाकार लोरु जनता संगे कल्पी कोया पाटा किन क्रांतिकरण कीसोरे दिवस संदर्भ ते पाटा एवि कित्तोर। हजारो जनता जमा आसी पीएलजीए ता 21वीं वर्षगांठ तुन क्रांतिकारी वेड़का ते सफल कित्तोर। दिसंबर 25 तारिख तिंची 30 तारिख एवना एरिया ते मंदना बालाल संगठन किन सांस्कृतिक-राजनीति-एजुकेशन

मैदे ताकता बालाल महोत्सव संदर्भ ते (बालाल पंडूम) एरिया, पंचायत सी.एन. एम कमेटी समन्वय ते मंजी 3-3 पंचायत किन कल्पी 7 जागा ते बालाल पंडूम ताकी कित्ताद मंता। इद मौका ते सोबे सी.एन.एम कलाकारलोर नूनी, पापालोर किन तिंदना-उंडना व्यवस्था उडसोरे करसी कीयना, एर मिहतना कित्तोर। ओरकिन सांस्कृति-मानव समाज-मानसम्मान लेक्कटा सांस्कृतिक-राजनीतिक विषय किन ओर किन समझेमायाना लेक्का वेहतद मंता। आलकेने नूनी-पापालोरा मैदेने पाटा,डाका, नाटक तोहतद मंता।

2022 जनवरी 2 तिना 23 एवना जनताना सरकार एत्ता भूमि सदूम अभियान ते महिला 360, पुरुष 411, टोटल 771 मुल सी.एन.एम कलाकारलोर शामिल आसी जनताना स्वावलंबन आर्थिक व्यवस्था निल्या कीयाना मैदे डेबरी तालाब, कुट्टा, पट्टे तोसानगा हुशी-खुशी संगे शामिल अत्तोर। 2021 सितंबर महीना ते साफ-सफाई प्रोग्राम एतना मैदे सी.एन.एम कामरेड्स, डॉक्टरलोर कल्पी मंजी नार-नार जनता लोपा साफ-सफाई प्रचार अभियान ताकी कीसि हरिंग, बोरिंग, सुवा, लोक, दुवार साफ-सफाई कित्तद मंता।▲

दक्षिण बस्तर डिविजन सी.एन.एम ता रिपोर्ट।

दक्षिण बस्तर डिविजन सी.एन.एम अध्यक्ष कॉ.अशोक

मानेय ना चेतना पदार्थ तले पुट्टींता इंजी मार्क्सवाद दर्शनशास्त्र वेहींता इंजी मनल पुताल। पदार्थ तिना पुट्टना चेतना, मनल अलग-अलग तरीका ते कियना निर्णयकु विश्लेषण-संश्लेषण, प्रस्ताव आंकलन, किरिया-प्रतिक्रिया आचरण, काम ता पद्धति अन्य रूप किने पेश आंता (व्यक्तिकरण)।

कला-साहित्यम पूरा मानव समाज ता उत्पादन संबंधकुना, राजनीति किना प्रतिफलनम अदि। समाज लोपा प्रधान रूप ते सत्ता लोपा मंदना वर्ग तना उत्पादन संबंध ता अनकुल तेने राजनीति, कला किन प्रतिष्ठिता कीयला (निलपी कियला) ऊडिंता। अयु कला किने पूरा समाज पोरो जबर्दस्त ते विविधता संगे ओकिंता।

मना उत्पीडित जनता तिंदानोंक डोडा, इल्वेके वेंडे शोभा-सुन्दर विषय ते ध्यान इयनाद इदिना व्यक्तिकरण लेक्का मनल समझेमायानोंक आता। लेय्योर ओंडु समय ते कूली कीसि तत्ता पैसाने गिसडी अस्सनोर, पेरके

साईकिल अस्सना शुरू अत्ता। इंजे अद वेंडे कम आसी 2 महीना कूली कष्टाम ते गड़सता गुलै-गुलै पैसा ओंडु मोबाईल, मोटरसाईकिल मैदे मन-खुशी ते खर्च कियामुंतोर। मोबाईल संगे आडियो अराजकता सांस्कृति अनिवार्य रूप तेने इगा ता सामूहिक जनसांस्कृति तुन ध्वस्त कीयना ओंडु ओजार लेक्का उपयोग आयामुंता।

डिविजन ते ओंडोंड एरिया ते ऊड़तस्के मुन्ने ता कालम ते लेय्यस्कु-लेय्योर तम-तमा लोता जरूरत साटि आंध्रा कूली दायानोर मति इंजेके मोबाईल,कपडा,मोटरसाईकिल लेक्काटा मार्केट संस्कृति ते दाया मुंतोर। वीरा कष्टम बहुराष्ट्रीय कंपनी तोर किने फायदा आसोरे मंता। इदु विषय किन युवा पिढि ते ओयाना।▲

भैरामगढ़ एरिया सी.एन.एम ट्रेनिंग हित्ता रिपोर्ट!

भैरामगढ़ एरिया सी.एन.एम कॉ. ललित

डिविजन,एरिया कमेटीवु निर्णय कित्ता अनुसार ते एरिया सी.एन.एम टीम कामरेड्स ओंड-ओंड आरपीसी तिंची एंची मंजी सी.एन.एम कलाकारलोर किन 10-10 मुल किन करंगी मंजी 3-4 आरपीसी तोर किन कल्पी ब्यूरो वर्कशॉप ते, डिविजन वर्कशॉप ते बना कित्ता पूना पाटा, डाका, नाटक एक्शन स्टेजि प्रोग्राम तरीका, 4 समन्वय विषय किन पोयसी, 2021 नवंबर 10 तारिख ते शुरू कीसि नवंबर 30 तारिख एवना 6 जागा लोपा सीएनएम कलाकारलोर किन ट्रेनिंग हित्ताद मंता।

इद सी.एन.एम ट्रेनिंग ते शामिल अत्ता पुरुष 170, महिला 112 कुल टोटल 282 मुल कामरेड्स शामिल अत्तोर। ईले एरिया लोपा कठिन परिस्थिति दमन मतके वेंडे क्रांतिकारी जनताना सरकार, मिलिशिया ता मददत संगेने सी. एन.एम ट्रेनिंग किन सफल कित्ताद मंता।▲

पामेइ एरिया सी.एन.एम कित्ता प्रोग्राम ता रिपोर्ट!

23 तिना 29 मार्च 2022 एवना साम्राज्यवाद विरोधी सप्ताह मानेमासोरे, पिलिफिंस, तुर्की क्रांतिकारी आंदोलन समर्थन भाईचारा, 29 मार्च पिलिफिंस "नयी जनसेना" 53 वां स्थापना दिवस किन जय-जयकार वेहसोरे वैय-वेडका ते पामेड़ एरिया ता जनता मानेमत्ताद मंता!! पोर्रो कमेटी आह्वान कित्ता अनुसार ते पामेड़ एरिया लोपा शहीद कामरेड्स भगतसिंह, राजगुरु,



सुखदेव ना शहादत दिवस संगे पिलिफिंस क्रांतिकारी आंदोलन किन, भारत भाईचारा मददत सप्ताह, आल्के रूस साम्राज्यवाद यूक्रेन पोर्रो ताकी कियना युद्ध तुन बंद कियना इंजो इव मूंड विषयकुना पोर्रो 23 मार्च तिना 29 मार्च एवना एरिया मेंड बिडिया प्रोग्राम्स ताकी कित्तद मंता।

इद प्रोग्राम लोपा 5 पंचायती कुना 20 मुल सी.एन.एम कलाकार लोर किन जमा कीसि यूक्रेन पोर्रो साम्राज्यवाद युद्ध विरोध ते ओंड पाटा, फिलिफिंस क्रांतिकारी आंदोलन भारत भाईचारा मददत ते ओंड पाटा, रेंड पूना पाटा, ओंड साम्राज्यवादी डुव्वल नाटक बना कीसि 16 पाटा, ओंड नाटक एंची 26 मार्च तिना 28 मार्च एवना मूंड दीना प्रकटीश कित्तोम।

28 तारिख तेने एरिया मेंड ता जनता रेंड सोला नूका, कुस्सीड सामान पोयसी मीटिंग आयना आस-पास नाहकिने मुल्ये आना वासी रोमत्तोर। इमा दीना 29 तारिख ते 3-4 बजे नरका वियवाके गुलैय जनता तेदी ओजलकने किस वाटी डोडा, पुल्ला वेयी कित्तोर। नरकोम पल अत्ता पाडते गुलैय तोर डोडिक अंजी कैय, काल्कु मोकोम साफ कीसि 6-7 बजे अयवाके अपना-अपना डोडा बाटा ऐती तिंजी सुडूक मय्यता डोडा, पुल्ला मूटा कीसि 8:30 बजे ते मीटिंग आयना जागा ते जमा अत्तोर। पेरके मना पीएलजीए कामरेड्स आलके सी.एन.एम कलाकारलोर मीटिंग हालदे अंजी पोंगा,मैक सेट,पोस्टार,बैनर, पाम्पलेट माडकने वाटतोर।

इदु प्रोग्राम माडता पेरके मीटिंग तुन चला कियना मैदे अध्यक्ष वर्ग किन बना कित्तद मंता। दाना आदेश ते 9:30 बजे सभा जागा तुकु 15 मिनेट दूराम

तिना जनता रेंड लाईनते रैली-जुलुस, नारा ईसोडे मीटिंग आयना जागा ते एवत्तोर। गुलैय जनता पोस्टर, बैनर किन पोरो तेहसी नरगे लेंग संगे नारा केयसोरे गुलैय जनता मीटिंग जागा ते एवता पेरके अध्यक्ष वर्गम कॉ. उर्मिला, मैक पोयसी साम्राज्यवाद मुर्दाबाद, इंकलाब जिंदाबाद इंजो नारा इयनस्के जनता बिडिया लेंगते नारा केयत्तोर। दाना पेरके बेगा ता जनता अगेय उद्दीस मंजि सभा कार्यक्रम किन शुरू कित्तोर।

अस्के सी.एन.एम कलाकारलोर मंच पोरो अंजी पस्टु रेंड पाटा पारता पेरके 10:15 मिनेट ते उद्धघाटन भाषण चालू अत्ता। लगभग 10:15 ते मीटिंग चालू कीसि 2:15 बजे एवना 5 घंटा, 3 विषय पोरो सी.एन.एम सांस्कृति प्रोग्राम भाषणकु ताकता। मीटिंग माड़ना जोम जनता बेगातोर अगेय इम्करे उद्दी सी.एन.एम पाटा, माटा, नाटक भाषण नेक्का-नेल्ला केंजतोर। इद मीटिंग मंगुलवाड़ दिनाम ते अत्ता मैदे कोंडम आटूम ते वत्ता जनता, दूकानदार, इंका आंध्रा, तेलंगाना मीड़या कूली दायना-वायना जनता अंता वेंडे बिडिया संख्या ते शामिल आसी जोश-खरोश ते मानेमासी सफल कित्तद मंता। इदु सभा ते शामिल अत्ता क्रांतिकारी जनता, महिला 2750, पुरुष 4265, कुल 7015 मुल शामिल अत्तोर।

पर्चा 250, प्लेकार्डकु 240, पोस्टरकु 360, बैनरकु 5, रासी वाटतोम। सी.एन.एम कलाकारलोर महिला 6, पुरुष 14, कुल 20 मुल ' शामिल अत्तोर। पाटा 16, नाटक 1, ढोल्क 2, डप्पली 3, बैडबाजा 1, नंगोड़1,

इंका रूस प्रधान मंत्री, अमेरिका प्रधान मंत्री, भारत ता प्रधान मंत्री ना मूंड पुतला बना कीसि,

1. मोदी मुर्दाबाद!
2. पुतीन मुर्दाबाद!
3. जोबैडन मुर्दाबाद!
4. इंकलाब जिंदाबाद!
5. साम्राज्यवाद मुर्दाबाद!
6. जनयुद्ध जिंदाबाद इंजो गरगे लेंग संगे नारा ईसोरे इव मूंड पुतला किन जनता किस वाटतोर।

ओंड चेप्पा आस-पास नाहकिने दुश्मन वत्तोर इंजो कबुड़ केंजके वेंडे जनता बेनोर ईके-आके अय्योरु। मीटिंग माड़ता पेरकेये "तेदाट लाल सलाम

जन्म सांस्कृतिक प्रतिरोध!

कीयकाल इंजो”

केतांके जनता गुलैय तेदी लाल सलाम कीसि मीटिंग तुन माड़ी कित्तद मंता। पेरके मीटिंग मारतास्के कौंडापल्ली आटीने जनता सामान अस्सी अपना—अपना नार, लोते ट्रेक्टर गाड़ी ने फयदाल ताकसोरे पाटा, माटा, वेसोड़ किन एजा कीसोरे अत्तोर। ▲



टेकामेटला जन्मसांस्कृतिक प्रतिरोध!

क्रांतिकारी कला, समाज तिना, समाज, कला तिना प्रभावित आंता इंदना दानकिन टेकामेटला सांस्कृतिक जन प्रतिरोध संगठना मनकिन वेंडोंड दम तोहसिंता। 2015 ते दक्षिण बस्तर डिविजन ते कला गज्जप जरपतद मंता। अदू प्रोग्राम ते अमर शहीद कामरेड राजे ना नेतृत्व ते डिविजन सी.एन.एम कामरेड्स ऑड प्रभावशाली ऐतिहासिक कला प्रदर्शन हित्ताद मंता। इद प्रदर्शना ते कार्पेट—सेक्युरिटी वत्ता पेरके पुलिस दमन कारण ते मूलवासीरा कला सांस्कृति ना पोरो बेचोन प्रभाव अरतामुंता इंजोरे अद कला गज्जप तुक वत्ता 300 कलाकारलोरा संगे 'गादे भीमुल पंडुम' इंदना नृत्यु कला रूप किन तोहताद मंता।

अद नृत्य रूप लोपा “गादे भीमोन पंडुमू नानो वैय उल्ल कुसीड़ वल्ल-वल्ल” इंजोरे पाटा नानो-दादालोर ओसोरे मंतोर। अस्केने डीआरजी कोब्रा गुंडालोर वासी जनता किन घेराव कीसि पिटाई कीसि डोल्कुन कोटटीतोर। पुलिसीरा जुलुम तुन उड़ता नानो मिडंदीता। अगा मत्ता पूरा जनता तेदी मंजी पुलिसीर किन अवे ओरता डोल्कुना संगे गुजुड़ संगे रेहसोर पूंडसीतोर। इद नाटक आ समय लोपा जनता कुन नरगे प्रभाव कित्ता। दीना वीडियो वेंडे मंता। इंजेके इद नाटक किन निज्जम कित्ता लेक्काने दक्षिण बस्तर पामेड़ एरिया टेकामेटला नाटेने तम्मा मूलवासी सांस्कृति कला किन बचा कियना मैदे बेले-बेले कित्तोरो ओंड दम उड़ाट!

पामेड़ एरिया टेकामेटला नाटे नगा गादे पण्डूम कीयाकाल इंजो नाटे ना सियान, पेददल, गायतालोर सावीड़ ते जम्मा आसि वेहसोर मत्तोर। अदे दीना ऊसुर चिंतापुराम पुलिसीर गस्ती वेल्योर नाटे वत्तोर, मति बेनोनके बाता कीवोर। आये उड़सो-उड़सो अत्तोर। रेण्ड दीना पेरके वेण्डे पुलिसतोर वायामुंतोर इंजो कबुड़ दोरकता, मति अद दीना टेकामेटला नाटे नगा गादे पण्डुम आसोरे मत्ता। जनता गुलैय पण्डुम ते डोल्कू-गुजीड़ को-कट्टा संगे जोरदार नानो, दादालोर अंगूम एददीने उबाम पोयस एंदोरे मत्तोर। असुटे पायका मंडुल बूंडा ताले ओंड बेच, ओड़सा बूंडा ताले ओण्ड बेच, गुलैय रेण्ड बेची आसी नाटे नगा नालु मूला घेराव कीसि लोपा नंगतोर। मति जनता बेनोरे ईके-आके अय्योर। आले खुशी ते एंदाना समय ते दुश्मन तोर बाता कित्तोर इत्के जनता किन बाता मुण्डाड़-जगडम इल्वा लेवा टेंगा-डुड्डी ने रेहतना चालू कित्तोर।



अस्के गादे पण्डुम ते एंदोर मत्ता, जनता गुलैय ओण्डय कट्ट आसी एंदनोंक तच्चि मत्ताव, गुजीड़ टेण्गा किन मीड़सी कल्कू गड़डा बाता दोरकता अदेते रेहसो-रेहसो आधा घण्टा लडेमासी इरवुर डीआरजी पुलिस तोर किन घायल कीसि पूड़तोर। एके तुपाई वेण्डे ऊंदी मत्तोर। मति वेण्डे पुलिसीर ऊंदी ओत्तोर। जनताना सांस्कृतिक प्रतिरोध किनु इदु नेल्लुता प्रेरणा आंता इंजी विश्वास ते वेहता परदीतोम। इदु सांस्कृतिक प्रतिरोध

जन सांस्कृतिक त्र अध्ययन !

ते शामिल
अत्ता मावा
क्रांतिकारी

जनता, खासकर महिला किन सी.एन.एम संगठन लडाई ता जोश ना संगे
क्रांतिकारी अभिवादन वेहतामुंता।

1. प्रतिक्रांतिकारी समाधान हमला मुर्दाबाद!
2. मूलवासीरा संस्कृति जिंदाबाद।
3. साम्राज्यवाद सांस्कृति खिलाफ ते ताकना
जनवादी सांस्कृति प्रतिरोध जिंदाबाद!
4. जनवादी सांस्कृति निर्माण ते जनताना
सक्रिया भागीदारी तुन पेरसी कीयाकाल! ▲

कोड़ता पंडूम!

- अध्ययन रिपोर्ट: किस्टाराम एरिया सीएनएम कमेटी

मुन्ने-मुन्ने तिना आदिवासीरा बत्काड़ ते जोड़ेमासी मंदना पंडूमे कोड़ता पंडूम।
इदु पंडूम किन अध्ययन कियाला मावा किस्टाराम एरिया सी.एन.एम कमेटी



निष्
यि
कि
ता।
दान
।
अनु
सार
ते
किस्

तराम एरिया सी.एन.एम अध्यक्ष कॉ. देशु, बाकी कमेटी कामरेड्स जमा आसी इदु पंडूम किन अध्यायन कियना लोपा शामिल अत्ताद मंता।

इद पंडूम बेस्के बेले मानेमंत्तोर? बाता-बाता इद पंडूम कियना समय ते लगेमाता? बेसोर खर्च आता? मोदोल तिना माडेंगाड एवना (पस्ट तिना लास्टू एवना) बेसोर दीना पोयतिता? इंजो पुन्दानोंक मैदे पंडूम कियानगा अत्तोम।

कोड़ता पंडूम इंदनादु इदोंड कुसीड पंडूम। कोया लेंज अनुसार ते, कोड़ता लेंज (सितंबर महीना) साल ते ओंड दम जरिगिंता। इद पंडूम बाड़ कींतोर, इतके उड़ता जागा ते बेदय पूना कुसीड पुड़दीता (मोड़यीता) तान किन तिन्दाना मैदे इद पंडूम मानेमांतोर। इद पंडूम लोपा नालू तला कोरक, नालू गड़बक गुलैय रकम ता ऐसा पोसा संगे नाटेना मेन-मेन ता मुख्यलोर जमा आसी ओंड पूटा लोपा माड़ी कीतोर। ओंड-रेंड महीना मंजी कड़या पंडूम कीतोर। इद वेंडे कोड़ता पंडूम किन जोड़ेमासी मंता।

इगा रेंड तला कोरक, ओंड तला पद्ध, जूडेन गड़बक लगेमाता। पेरके वेंडे रेंड-मूंड महीना मंजी एन पंडूम कीतोर। इद वेंडे कोड़ता पंडूम तुन जोड़ेमासी मंता। इद पंडूम बाड़ मैदे कीतोर इतके तोल विज्जा एवताद मतके बेनोर-बेनोर कोयदीतोर इंजो जागा-जमीन तुन पोयसी भूम गायतल आलकेने ओना संगेता पूजाड़, वड़डे इरवुड़ मंजी कीतोर। इद पंडूम ते रेंड कोरक, जूडेन गड़बक लगेमाता।

पोर्रो वेहता पंडूकने तिंदा-उंडना कल,लंदा बाता मन्नो। ईले मानेमायना पंडूमक किन लोपा-लोपा कीयनाव इंतोर। कम से कम महीना मेंड पेरके पीड़ पंडूम (पीड़ आंपानद) कीतोर। इदु वेंडे कोड़ता पंडूम किन गर्रे मंता नेंड पीड़ आंपके नाड़ तिना कोड़ता पंडूम कीतोड़। इद पीड़ पंडूम ते रेंड तला कोरक, ओंड पद्ध, जूडेन गड़बक ईतोर।

पीड़ ओड़तानद बेले-बेले तेना उद्धेश्य बाता इतके, नार लोपा लोन-लोन मंदना रोग-देयाम बूताम किन पांता तुमा या तिरू बाता दोरकी कीसि तुड़ंगा कांजीतोर। इद तुम्मा किन नाटेना 20-25 मुल पेकोर जमा आसी लोन-लोन वेलतितोर। मुंगूर मोदोल तुम्मा वाटी लोतिन, पिड़-पिड़ पीलोड़ इंजो तलसीतोर। मुंगुर ता गड़डू टेंडी तुम्मा ते वाटीतोर। कुड़का डोप्पा ते डोडा बाटा, पुल्ला, जोन्ना, पिरकी, पोड़ी ईले बेद इतके अद जमा

कीसोरे नार मेंड तिड़ितीतोर गल्लेय, नडमा एर मंदना जागा ते ओसी डोडा तिंजी तैयार मंतोर।

नाटेना अन्दीने ओसी रोग बुड़ा कीतोर। नाटे नोर मेजारटी मुल कोरू गड़बक, नाड़ेल, बीड़ि कट्टा, अगारबत्ति केड़ा दैम-बुताम किन इयनाव सोबे सामान पोयसी अंजी पूजा कीतोर। पूजा-पाट कित्ताव कोरकु, पद्धी, रक-रकम ता चीजकु ओंडेय जागा ते तिंजी वीरीतोर। इगा महिला शामिल अय्यो। इतके ओपो-मेलो इंदना अंधविश्वास, पितृसत्ता हिसाब ते महिला किन शामिल कीवोर।

कामरेड्स! कालाम दाता-वाता ताना अनुसार ते साल (वड़सा) मेटके कोड़ता पंडूम किन मानेमान्तोर। इद पंडूम तुन मानेमायना असली उद्देश्य बाता मम्मा सोध कित्ता हिसाब ते उड़ाकाल। मनल भूमि यायोना पोरो आधार आसी बत्कानोल, अद हिसाब ते गुलैय मनवा बत्काड़ ता विज्जा-कज्जा एड़ आयना मैदे भूमि ते विज्जा वीतामुंताल। पंडी वत्ता पूना विज्जा वड़डना (तिंदाना) मैदे मानेमायाना पंडुम। इद कोड़ता पंडूम जंगल ता प्राकृतिक किन जोड़ेमासी मंता।

ईडो आक ते बोयनाम वड़डीतोर। इतेके एंगुल अयवा तम्मा-तम्मा पेन-आनल किन मुन्ने ईसी तम्मक उंडना-तिंदाना कीतोर। आट मेंड मुन्नेने कोड़ता पंडूम ता दीनाम तोहसी (वाटी) अद अनुसार ते आट-पेट अंजी कोड़ता पंडूम ता संबंधित सामान तत्तीतोर। आनल-पेन किन पूजा-पाट कियनाद, तम्मक तिंदाना आकी-वेरकी जमा कीयनाद लोक-दुवार साफ-सफाई कीयनाद कल, लन्दा, कोरक, मेका, पद्धी सोबे रकम ते तैयारी आतोर। बेनोर-बेनोर सग्गा-जीवा किन वेंडे दीनाम लोहतीतोर।

एका (मिट्टानद) इतके शुरू आता दीनाम, इद दीनाम ते नरकोम तिना मुल्ये आना वेरकी आकी तत्तीतोर। कट्टला कोर मैदे जंगल ता प्राकृतिक यायोना कैदे दोरकाना राय रकम, पुंगार, काया, पंडीना जना-जात जमा कीतोर। अदे दीना मुल्ये पंडूम मैदे तैयार कित्ता लंदा, कल, पेन-आनल किन मुन्ने नेट्टा पेरके हर मोदोल, गोंद मोदोल माड़ता पेरके नेंड बेसोर, नाड़ बेसोरे उंडना इंजो बाटा कीतोर। मोदोल लोन पोयता वड़डेन किन तच्ची विज्जा लोन मुरसगुंजे ते मेडका वेहितोर।

“ ईडू करेगुड़ ते नेट्टा मोदोल पील (विज्जा) गुट्टा ते माल-माता अन्नम-धन्म आड़ेयपाट सतकने यायो” इंजो वड़डे नेल्लता रेगाम ते

मुरंगीतोर। अद दीना वड्डेन किन आराम मन्नो। बाड़ इतके 10–15 लोकिन पोयसी मंतोर। मुल्येट समय ते पेड़मान लोन मुन्ने एन्दानाद शुरु कीसि नार मेंड लोन-लोन डोल, गुजीड़, रेला पाटा संगे एंदसोरे कल, लंदा उंजोरे बल-बडक वियना मंतोर। इमा दीना वड्डेन किन एक साल मुरंगा ता बिताड़ ते कमार किन कोलसीता बितोड़ ते हर लोतोर रसाय ओसींतोर।

पाल डोडा तिन्दतोर। इव पाल डोडा तिन्दाना इतके आ दीना गोटकु तमा-तमा बेसक हिसाब ते नरकोम विडसी मंजी मेहतितोर। गोटक कल्पता लोक हिसाब ते नूका, कुसीड़, लंदा, कल जमा कीसि जंगल लोपा एर मंदना जागा ते अट्टीतोर। गोटकिन मंदा वाटी मुन्ने पालोड़ आकते डोडा वाटी पुल्ला तोस्सी अपना-अपना लोता गोड़किन तिहतितोर। तम्मक वेंडे तिन्दतोर। लंदा, कल उंतोर। इगा तिना आखिरी समाप्त आता, मति उंडनाद माड़ो। लग-भग आट मेंड पोयतिता। ओसी मंजी मुंडाड़/जगड़ा आयनाद इंका ई लेक्काताव बाता-बाता विषय जरगीता। तेन किन नाटेना कमेटी आखिरी ते परिष्कार कीसिंतोर।

कामरेइस। कुसीड़ पंडूम तिना कोड़ता पंडूम इव 4 पंडूकने पूजानव कोरक 11, गडबक 11, पद्धी 2 तला इव सोबे अंधविश्वास हिसाब ते वेहतना इतके देयाम तिंदना मैदे पूजानवु। इंका सामूहिक और व्यक्तिगत हिसाब ते वेंडे तिन्दनाव मंता। अद हिसाब ते उड़त्के ओंड लोतगा हजारों रूपया खर्च आंता। नार टोटल हिसाब ते 1 लाख रूपया ना पोर्रोने खर्च कियामुंतोर। इदु पंडुमते सुडून नेल्लूताद, ओपवाद वेंडे मिंदे। तेनकिन नवजनवादी सांस्कृतिक हिसाब ते मीड़तनाद इतके नरगे टाईम पोयतिता इंजो सोध कित्तास्के माकिन समझेमत्ता। बाड़ इतके अंधविश्वास किन नशा पदार्थ किन जोड़ेमासी मिंदे। दुनिया लोपा मंदना मानव जाति ता गंदा सांस्कृति तुन नोरसोरे दुनियाता सोशललिस्ट सांस्कृति तुन निल्पी कियना इतके सोबे तोरा पोर्रोने इदू जिम्मेदार मिंदे।▲

कौटा एरिया ते आदिवासी सम्राज, धर्मकुन्न नडुम पेरसाम्रा अंतर विरोध।

एरिया ते धर्म विभाजन लोपा मना आदिवासी जनता सुडूक मुल इसाई, हिन्दु धर्मकुने अंजी मोड़कनादु पेरसामुंता। मेजारटी निर्माण हिल्वा नाहकिना जनता इसाई धर्म तुन नम्मी बैबिल पुस्तक पोयसी सुडला-बिड़िया चर्ची तगा अंजी शुक्रवार-शनिवार, रविवार दिनामकने प्रार्थना कीसि पैसा संदा वाटी तेदी लोन दायनाद मिंदे। मना संगठन निर्माण हिल्वा नाहकिनगा इसाई धर्म निर्माण

आसी मिंदे। मेजारटी दोरला समुदाय परिवार तोर इसाई धर्म ते मोड़कनोंक दायनाद मिंदे।

हिन्दु धर्म एरिया लोपा मेजारटी कोंटा, दोरनापाल, एर्राबोर, पोलेमपल्ली शहर क्षेत्रने मंदीर निर्माण कीसि धर्म विभाजन किन फैला कियनाद पेरसामुंता। सलवा जुडूम समय ते शिविर ते बंदी अत्ता, जनता हिन्दु धर्म तुन नम्मी मोड़कामुंतोर। धर्म विभाजन हिसाब ते एरिया तगा मंदना आदिवासी किसान जनता, इसाई धर्म ते लेस्की अत्ता जनता नड़मा धर्म अंतर विरोध पेरसामुंता।



नाटेना पोताम काम—काज, आनल—पेन जागा जमीन लोपा इसाई धर्म ते अत्ता जनता किन दाया ईवोर। सुडूर मुल जनता किन बीमार ता बहना ते लेस्की कीसि इसाई धर्म ते जनता तुन नम्मी कीसि धर्म लोपा कल्पामुंतोर।

इसाई धर्म ते नम्मी मोड़कना परिवार, तम्मक पंडी कित्ता पंटा किन कोयदना मुन्ने प्रार्थना कीसि कोयदामुंतोर। दूसरा परिवार, सग्गा जीवानोर वासी एर.जावा, डोडा तित्ता पेरके नारियाल निय संगे जात इयामुंतोर। पूना, पस्ट कोयता पंटा ता विज्जा तुन जनवरी 1 ते अगा ओसी फास्टर मुन्ने जमा कीसि ओमुंतोर। फास्टर केत्ता दिनाम ते फास्टर ना लोतगा अंजी जनता काम कीसियनाद जरगामुंता। ▲

कविता

पुण्णम लैज वैस्त्रीज

— लहर!

दिनाल पोत्तसोरे, आल्सोरे
गुंटूर तल शुरुअत्ता
नीवा क्रांतिकारी जीवन ता सफर!
यायो कृष्ण उसाना कोल्लोरकु नड़मा
दुश्मन ना पहराकु नड़मा

नल्लामल्ला चंचू जनताना बतकाड़ ते
पुन्नम लेंज वेस आसी
उत्पीड़ित जनताना जीवा ते जीवा आसी
आंध्रा-तेलंगाना मैदान किने
वर्ग संघर्ष ता किस मिडंगुर
दिनाल पोत्तना किस उहसा लेक्का
बना कीत्ता लाल योद्धा

तानाशाही, दलाल शासक वर्ग तोरा
फासीवादी दमन किन
अलपीरि विस्फोट संगे
शासक वर्ग तोरा गुण्डे तुन
वाड़कि कीसि सबक वेहता
साहस तुकू निशान बनेमातीन!

शांति चर्चा कियनोम इंजो
जनता किन बूसाना लूटी वर्ग तोरा
कोइला गत्ति तुन
राज्ययंत्र ता वर्ग चरित्र तुन
दुष्ट साजिश कुन पर्दाफाश कीसि
प्रबल तरीका ते क्रांति ता लेंग तुन
जनयुद्ध हर्षी तुन
गट्टिंग पोर्रो तेहता
मावा जीवा ता नेता!

अद एतिहासिक घटना तुक गवा बनेमासि
तेलुगू उत्पीड़ित जनताना जीवाते
सर्वहारा वर्ग ता जुझारू पन ता
संघर्ष चेतना ता निशान बनेमासि
पेसाना वियुक्का आत्तीन!

पूर्व घाटी ते पेसाना पोड़दू आसी
ओड़िशा-आंध्रा हंदिने
कुव्वी, भगता कोया आदिवासी
नाहकिना जनताना जीवा ता जीवा बनेमासी
कारपोरेट विकास पोर्रो
लड़ाई ता ललकार हीसि

तादोर-बापीर कालम ता
भूमि नेल्ला मार्रा मेट्टा
एरु जंगल तुन
कोंडा मींड़ि लेक्का बचे कियनोंक
लड़ाकू जनसंघर्ष ता

किस उहसा बनेमासि
दिनाल वेस हीसोरे हरी तोहता
मावा जीवा ता नेताल
तुन जनताना जीवा ता इच्छा कुन सपन्ना तुन
नूनी पापा लोरा लेता
जीवा कौवना लेक्का नीवा लेंग
हमेशा जनयुद्ध ता मार्गदर्शन हीसोरे मंता!

मावा जीवा ते सूरता वासोरे मंता
नीवा गंभीर ता मोकोम दूरदृष्टि
जनता, कैडर संगे
कलिईसि मंदना तरीका
रामगुड़ा लेक्का बिड़िया
नुकसान कुना नड़मा बेचोरो
वीर प्रिय कामरेड्स नेल अरसोरे

जीवा हित्ता समय ते
नीवा जीवा ता मरु पृथ्वी
शहीद आत्के वेण्डे जीवा धुरस कीसि वर्ग चेतना संगे
जन आंदोलन ता उतर-चढ़ाव ता
गतिशील ता तुन कैडरकु समझा कीसोरे,
जनयुद्ध तुन मुन्ने ओत्ता लाल योद्धा!
नीवा त्याग बलिदान आये अन्नो,

अमर शहीदीरा आशय तुन पूरा कियनोंक
जनमुक्ति गुरिल्ला लोर
नालूंग चेप्पा मार्चिंग कीसोरे,
मुन्ने-मुन्ने अंजोरे मंतोर,
जनयुद्ध तुन जीड़ाना गोंजाड़ा ओंतोर!

(भारत देश ता क्रांतिकारी नेता भापका (माओवादी) केंद्रीय कमेटी सदस्य उत्पीड़ित जनताना प्रिय नेताल अमर शहीद कॉमरेड साकेत दादा (अक्कीराजू हरगोपाल, श्रीनिवास, रामकृष्णा स्मृति ते श्रदांजलि)

रचना—जनवरी 2022 ▲

कामरेड चेतन न्न एज्ज ते

गंगालूर एरिया सी.एन.एम अध्यक्ष कॉ. कला

पारेवा जंग ए मैदान ते मुसूर गुरूजा ना
लेक्का फायरिंग ता लेंग केंजा वायामुंता ।
27 मुल कामरेड्स सी-60 कमाण्डो संगे
अन्नी-मन्नी जीवा इंजी लड़ेमासोरे जनता मैदे
जीवा हित्तोर । भूमि यायो अद्री अत्ता,
मर्रा, मेट्टा सिमसम अत्ता, नेत्तुर कुयेर
एर आसी पोंगामुंता ।
कामरेड चेतन निम्मा
वर्ग संघर्ष ता लाल पुंगार पुयतीन ।



देश मेंड ता गरीब जनता नावा
यायो-बाबो इंजो निम्मा ऊकाड उहता
यायोन विडसी जनयुद्ध ते गोंजी वाटतीन,
लूट-पाट व्यवस्था तुन
बोंगा ते मिसाना मैदे कैदे हथियार
पोयसी पीएलजीए योद्धा बनेमत्तीन ।
सुडला मंदनास्केने पाशविक सलवा
जुडूम धूका तुन उड़सोरे, मिरोरे पेरस्तीन,
जुडूम गुण्डालोरा विध्वंस उड़तीन ।
अन्नम-धन्नम, लोन दुवार करवी अत्ताद
उड़तीन ।

नार गुलैय किस उम्मा ते कुंटेम पोयताद उड़तीन,
वेडता नीर दिब्बा उड़तीन । बेके उड़त्के वेंडे दुश्मन
तोर औकता लाशक (पीनूमक) दिब्बा तोंदना उड़तीन ।
नार गुलैय सिम ईकाड काकापाड अत्ता ।

कोंडा मुन्ने एलाड़-मैयाड़तुन अत्याचार कियना उड़तीन ।
मुसूर दूका ते जनता ना तिप्पल समझेमतीन ।

वर्ग समाज मंदना जोम वर्ग लूटी मंता
इंजो समझेमत्तीन, वर्ग ऑंग ते बाबो ना हरीं पोयतीन,
क्रांतिकारी जनता ना सरकार आश्राम
ते पढाई कीसोरे वैज्ञानिक भौतिकवाद सिद्धांत
तुन समझेमत्तीन । छात्र जीवन ते निम्मा
करस्ता खेल मैदाननीकिन एजा कियामुंता ।

नीवा संगे ता खिलाड़ी लोर
वॉलिबाल, कबड्डी खो-खो
दौड़ मैदान ते वासी कलू बेके
अत्तोर इंजी मेहकामुंतोर ।
खेल करसोरे-करसोरे युद्ध
कीयना हिम्मत कारयतीन
नीकिन स्कूल शिक्षा हित्ता
गुरुजीर कोंडा तिना कन्नीर
अरता मुंतोर, कामरेड चेतन
निम्मा उम्मर ते सुडलोन
मति नीवा चेतना बिडिया मंता ।
नीवा चेतना तिंचो मोमो करहीतोम ।
निम्मा कम्युनिस्ट लाल योद्धा
बनेमत्तीन नीकिन बेस्केने
मरंगा परवोन । बुडमा काया
बुद्धी संगे छात्र, बेरोजगार

लोर किन लड़ाई ते संगठित
कित्तीन । नीकिन कल्यता छात्रलोर
मेहमामुंतोर । गडचिरोली जनताना जीवा
ता मरू बनेमासी ओरा दुख-सुख
ते अंजी जनता ना विश्वास तुन जीड़तिन ।
किसनेली खोब्रामेंडा, मुरचुली हमला
ते दुश्मन किन टूटा ता जवाब
हीसोरे लडेमतिन, पारेवा घमासान

युद्ध लोपा दृढसंकल्प ते लडेमासोरे
नीवा आदर्श तुन एरका कियामुंतोर ।
नीवा, मीवा पोये कॉ. शांता ना अधूरा सपना
तुन पूरा कीयना मैदे किरिया कित्तोर ।
कामरेड चेतन निम्मा नवजनवादी क्रांति
लोपा जनता किन पूना वेहस हीसोरे मंतीन ।
कामरेड चेतन अमर रहे!▲

अमर शहीद कामरेड हड़म (संजू) न्न सुरत तें कविता!

कॉ. श्रीकांत

13 नवंबर 2021 नरकोम उत्तर गड़चिरोली पारेवा ते
जरगता मुठभेड ते शहीद अत्ता, कबुर मिस-सम इकाड
आयनास्के दिर्दो पिट्टे आमूर कबुर तत्ता ।
नीवा शहीद कबुर केंजी
सबे पीएलजीए कामरेडस,
क्रांतिकारी जनता, मिलिशिया
आलकेने संगठन तोर नरगे
आल्सूड ते मिंदेर । निम्मा
ओर कुन समझा कीयानोंक
मावा मुन्ने इतिहास ते मंतीन ।
पश्चिम बस्तर डिविजन गंगालूर
एरिया गोरनम नाटे गरीब परिवार
ते पोड़याम लोते जन्म अत्तीन ।
नीकिन पुट्टी कित्ता, यायो
बाबो आलकेने दादल तम्मुर



सबे परिवार तोर वेंडे शहीद
कबुर केंजी तला ते कैय वाटी आल्सामुंतोर ।
निम्मा सुडला तिना बालाल संगठन
ते मंजोरे बुद्धि अकल करियसोरे मिलिशिया
लोपा भर्ति अत्तीन । सलवा जुडूम तुन हरा
कियना इंजी नरका पेयाल संतरी, पेट्रोलिंग
कीयनोन, जनता किन बचा कीसोरे जल-जंगल

जमीन किन राका कियना इंजी संदेश एवसी कित्तीन ।
2013, 27 नवंबर ते पार्टी लोपा भर्ति
आसी शहीद आयना जोम पार्टी लोपाने मंजी
अलग-अलग जिम्मेदारी पोयसी काम किन निभा कित्तीन ।
टी.डी ते मंजोरे हथियार बना कियना काम तुन
वेंडे करियतीन आलकेने पार्टी इत्ता
जिम्मेदार, गार्ड मंजोरे सबे रकम ता काम लोपा वर्ग संघर्ष
ता चेतना बेरसी कियना इंजी आल्सनोन

काँ. संजु निम्मा पार्टी ते वासी स्कूल
राजनीतिक करियतीन पुनवा विषय तल्की
समझेमंतीन । गेरिल्ला पिस्वाल (बत्काड़)
कठिन मंता इंजी आल्सी मेहनत कियानोन ।
आलकेने बोजा कांजना इतके पेरके मुन्ने
आयवा परताचोन पोयतना इंजी आल्सानोन ।
पार्टी ता जरूत काजे उत्तर
गड़चिरोली बदली आस मतीन ।
भारत देश ता शासक-शोसक
वर्ग ताकी कियना समाधान-
प्रहार हमला तुन मुकाबला
कीसोरे आखिरी एवना लड़ेमासी
शहीद अत्तीन । नेंडु कठिन परिस्थिति
लोपा आंदोलन तुन मजबूत
कीयना कर्तव्य जनयोद्दालोरा पोरो मंता ।

निम्मा इत्ता कुर्बानि आये अन्नो ।
मीवा हिम्मत साहस दृढसंकल्प
तल माटू करियसोरे मुन्ने दायकोम ।
कामरेड हड़मा अमर रहे!▲

पार्टी के स्थापना के मौके पर पंक्तियां

—कामरेड अक्काश

ठंडी—ठंडी हवा चली!!

महसूस होने लगा बहुत मजेदार की !!

नक्सलबड़ी में गर्जा बादल!!

भारत के कोने—कोने में दावानल बनी!!

दंडकारण्य की धरती, आसमानों के
तारों से चमक रही थी!!

महान गुरुजीयों की सिद्धांतों से!!

वनांचलों की झरनों में, धूआ ऊट रही थी!!

कामरेड चारु मजुमदार, कामरेड

कन्हाई चटर्जी के अवाजों से!!

भारत के संस्थापक नेताओं की खूनों से!!

पार्टी, सैनिक, संयुक्त मोर्चों की लाल सीतारे,

संस्कृतिक गीतों से लाल सैनिकों की

विन्यास की कदामों से!!

लाल झण्डे थने हथौड़ा की चिन्ह मंडरा रही थी!!

21 सितम्बर 2004 को भारत की कम्युनिस्ट

पार्टी (माओवादी) की घटन हुई!!

कठोर पत्थर को तोड़कर नवजनवादी क्रांति ला सकेंगे!!

हम भी इस देश के माटी पुत्र हैं!!

दुश्मनों की सीने पर अग लगा सकते हैं!!

खून देकर देश को बदल सकते हैं!!

हजारों की शहादत पूकार रही हैं!!

हम अपने कर्तव्य की रहा पर!!

अपनी जान कुर्बान कर सकते हैं!!

17 वी वर्षगांठ के अवसर पर!!

देश के नौ युवाओं को जोश भर कर लाई!!

किसानों, मजदूरों, छात्र, कर्मचारी, अंगनबाड़ी सभी उत्पीड़ित
वर्गों को!!

जन संघर्ष के बिना अधिकार नहीं!!

खून बहाये बिना आजादी नहीं!!

भारत के तीन पहाड़ीयों को तोड़कर!!

नवजनवादी, समाजवाद, साम्यवाद की!!
लाल किले पर लाल झण्डा लहरायेंगे!!▲

कामरेड मुन्नी न्न एजा ते कविता

गंगालूर एरिया सीएनएम कॉ. कला

रग—रग एदी ते मर्रा ता आकी
ऊसामुन्ता, जंगल ता पिट्टे
जानवार दड़मी तुन मेहकामुंता।
पीएलजीए सैनिक लोर
कॉ. मुन्नी किन मेहकामुंतोर।
कॉ. मुन्नी ना आमूर कबुर
काकड़ पिट्टे तत्ता,



कबुर केंजता जनताना जीवा गांगे मत्ता।
आच पिट्टे आल्सोरे
कॉ. मुन्नी किन एजा कियामुंता।
9 मई महीना ते कॉ. मुन्नी मायी अत्ता।
जंगल यायोन राका कीसोरे निम्मा
गहरा लेवा गहरा पुट्टी,
लेता जीवा पोहतीन।
मुस—मुस कवदना मोकोम
मावा मन ते एजा वायामुंता।
कॉ. मुन्नी निम्मा जिम—जिम

मुसूर ते मोल्का वंजी
वीतता लेक्का लड़ाई ता
विज्जा तुन भूम एकाम वितान

मैदे दण्डकारण्य जंगल तिंचो
ओडिशा एवस मतिन वर्ग हिल्वा
समाज मैदे सपना कीसोरे
लूट शोषण खिलाफ ते आयदम
पोयसी लड़ेमत्तीन निम्मा अत्ता
गिले तोका हरू सिम अत्ता।

निम्मा विगता गोंजी मायो, नीवा

गोंजी ते जाड़ा वायामुंतोम ।
 निम्मा ओड़िशा राज्य मेट्टाने
 क्रांति ता पुंगार पुयतीन
 पेसता पोड़द मुंडदता लेक्का,
 माकिन विड़सी अत्तीन मिलिशिया



लेयोर नीकिन ताल्कामुंतोर ।
 निम्मा बुबीट्राप ट्रेनिंग इत्ता
 बटू सिनार अत्ता कॉ. मुन्नी
 बेस्के वांता इंजी व्यापक
 जनता नीवा हरी उड़ामुंतोर ।
 निम्मा लाल क्रांति मैदे मोयोल
 पोरो वियुक्का वेस अत्तीन ।

लाल झंडा ते नीकिन उड़ीतोम
 नीवा आदर्श तुन पाटा पीटो
 ते जोड़ा कीतोम ।
 नवजनवादी क्रांति ते
 नीवा इतिहास जीवा मंता ।
 कॉ. मुन्नी अमर रहे!▲

वीर जनयोद्धा लोरकु अमुर हिल्ले!

—लहर

प्रकृति सुनशान मंता
 पूर्व तल पोड़द पेसामुंता ।
 साजिशकु, गति संगे
 फासीवादी शोषक—शासक वर्ग किना
 किराया कमाण्डों फोर्स
 पीएलजीए बल किन

खत्म कियाना दृष्ट योजना संगे
पारेवा मेट्टा तुन नालू चेप्पा घेराव कीसि
मोर्टरकु,राकेट, लॉचरकुना
आधुनिक हथियार संगे
बम कारतूस किन
पिर लेक्का एस्सोरे
हमला कियाना समय ते।
गुलाई वीर योद्धलोर
अटूट हिम्मत संगे
मेंदुल एकाम नेत्तूर पोंगानस्के
युद्ध मैदान ते वेरोर-वेरोर
लाल पुंगार लेक्का अडदना समय ते
वेरोन तुफाई दूसरोर पोयसोरे
इंकलाब जिंदाबाद
पीएलजीए जिंदाबाद
इंजो किराया कमाण्डों बलकुना पोरो
अंज अडसोर।
जंग ए मैदान ते जरबदस्त जुझोरे
मीवा जीवा तुन जनता काजे हिसोरे
मीरू केयत्तालड़ाई ता पुकार
सैय्याद्री मेट्टा तल
शिल्पी विंध्या पर्वतमाला एवना
दक्षिण पश्चिम मानसून लेक्का
मोयोल गुडंजोरे
शोषक शासक वर्ग किन
करेंट शाक हियमंता।
मीवा नेत्तूर पोंगत्ता हरी तल
सैकड़ों लाल योद्धा लोर जन्मांतोर।
जनयुद्ध किन मुन्ने-मुन्ने
आखिर जीत एवना ओंतोर!

(दिनांक 13 नवंबर 2021 पारेवा मुठ्ठेड ते दुहम्म संगे धक्की-पक्की
लड़ेमसोरे हाहीद अत्ता वीर योद्धा लोरा स्मृति ते)

जन्त्रा वैहताञ्ज सिंघाळिक साहित्य म्नाटा!

पुंदन्ना मैदे!

37 अंक इंकार संगे-संगेने, 38 अंक इंकार वैडे रिलीज आसोरे मंता। इदु 38 अंक, 28 जुलाई संदर्भ ते अमर शहीदीरा विशेष अंक रूप ते तत्ता मंतोम। दीना लोपा अमर शहीदीरा जीवनिवू कविता, पाटांग मंता।

—संपादक मंडल

जन्त्रा वैहताञ्ज साहित्य म्नाटा

रावघाट एरिया सीएनएम कॉ. रामको

- | | |
|-------------------------|---------------------------|
| 1. केसाल उर्रो — आकी | 27. गांदर उल्ल —गंजा |
| 2. कीनोड आकीन — डोप्पा | 28. नीता पेट्ते —निवय |
| 3. नुल्ले काल — हीताम | 29. पाले पयतुल —बटू |
| 4. रयसिंगडीन — उस्पाल | 30. जिम्मा कीके— जम्मा |
| 5. माडो काया — कस्ला | 31. मरका आकीन —मंदा |
| 6. पिट्टे नन्दडो — बुलो | 32. मोरोट आकीन— भूम |
| 7. तीतीर पिट्टे — तीराम | 33. गुमोड़ पेडेम — गूडा |
| 8. कुए कुरसूम — डोला | 34. वेहक पेडेम — विज्जा |
| 9. अल्ले काया — गुजीड़ | 35. कोसा काया — मेयाड़ |
| 10. मंदा रिलो — बटू | 36. कोडे मड्डा — कोड़याड़ |
| 11. परसकाल — दूराम | 37. कोसा नूलोड़ — लुंगी |
| | 38. केदा आकीन — साणी |



अमर शहीद दीपक दादा...!

-रचयितालोर सीएनएम टीम

(हिन्दी गीत)

पल्लवी :

अमर शहीद दीपक दादा ले-ले लाल लाल सलाम? जनता के प्रिय नेता...!

1.चरण: मजदूरोंका नेता है।

दलितों का सितारा है।

आदिवासि यों के दीप है तू...!

& भारत क्रांति के जन नेता तुझको लाल-लाल सलाम
तेरा कुर्बानि को लाल सलाम-2

॥ अमर शहीद ॥

2.चरण: महाराष्ट्र राज्य में

यावतमाल जिला में.....,

- राजूरु गांव में क्रांति का चिंगारी, जन्म हुआ

भारत क्रांति को मिलिंद-सी वीर रत्न मिली!

॥ अमर शहीद ॥

3.चरणः उन्नत शिक्षा प्राप्त किये
ट्रेड युनियन के नेता बने
चन्द्रपुर, पूणे, मुम्बाई में
मजदूरों का धड़कन था.....,
-मजदूरों के हर संघर्ष में गुंजता रहेगा
तेरा नाम कामरेड मिलिंद अमर रहे!

॥ अमर शहीद ॥

4.चरणः रणनीतिक क्षेत्र में आके तू
राजनीति, मिल्ट्री गुरु है तू
जंगल-जमीन का नारा है तू
- भार क्रांतिके हर मोड़ में तू
राही बनकर खड़ा है तू अमर है तू !

॥ अमर शहीद ॥

5.चरणः शिल्पी घाटी से होते हुए
माड़ पर्वत से पूर्वी घाटी तक
क्रांति का बीज बोया है!
-हजारों गुरील्ला कामरेडोंको, राजनीति
शिक्षा से लैस किए कॉ. मिलिंद अमर रहे!
॥ अमर शहीद ॥

6.चरणः पारेवा जंगल मैदान में
साम्राज्यवादी कुत्तों से
सामंती लायसेंस गुण्डों से
-12 घंटे डटकर लड़कर, भारत वीर
गाथा, बने कॉ. मिलिंद अमर रहे!

॥ अमर शहीद ॥

-साम्यावाद तेरे सपनोंको साकार
करेंगे, हम साथी. कॉ. मिलिंद सदा रहे!! ▲

पारेवा के पहाड़ ऊपर खून के निशाने....!

(छत्तीसगढ़ गीत)

काँ. झांकराय

1.पारेवा के पहाड़ ऊपर खून के निशाने
जंगल माँ के गोद में साथियाँ अपन निंद गए
दुश्मन संगे जुझते हुए दिये बलिदान
जन युद्ध में जनता के लिए अपन जान दिये
— ओ साथी रे तोरे लाल सलाम ।।2।।

2. संगे—संगे जनता खातिर अपन कसम खाले
दिल में तोरे दर्द है मगर जागो मैं साथी
पारेवा के जंग मैदान में बहे हमर खून
कभी व्यर्थ निहीं जायेगा जागो हमर साथियाँ
—ओ साथी रे तोरे लाल सलाम ।।2।।

3. पल—पल के मोर दिल मे बसा लिया साथियाँ
कैसे बता बो अपन बिना बुले नही शहीद
तोर मकसद ला पूरा करेबर अपन जाबो साथियाँ
क्रांति राह मे लाल पवन को ऊंचा उठाबो साथियाँ
— ओ साथी रे तोरे लाल सलाम ।।2।।

4. समाधान प्रहार हमला को प्रास्त करके साथी
जन युद्ध में जन सत्ता को स्थापन करते साथी
देश के सर्वहारा को एकता करके साथी
लाल झंडा को लाल किल्ले पर लहराएंगे साथियाँ
—ओ साथी रे तोरे लाल सलाम ।।2।।



पारेवा गाँव के पास दुश्मन बलों के साथ बीरतापूर्वक लड़ते हुए अपनी
जान कर्बान करने वाले अमर शहीदों को लाल-लाल सलाम!



!?

बेलोसा, दूलोसा वाद-संवाद पाटा!

— उत्तर बस्तर युवा

दीदी- आटुम मोला बारांक बेरसता रो एलो
बेलोसा

आटुम मोला बारांक बेरसता रो....

एलो— साम्राज्यवादीरा युद्धम वत्ता रो दीदी दूलोसा
साम्राज्यवादीरा युद्धम वत्ता रो...!!

दीदी— बारांक—बारांक युद्धू अल्लेरो.... एलो बेलोसा
बारकाजे युद्धम अल्लेरो...?

एलो— दुनिया लूटी कियला काजे रो दीदी
दूलोसा
साम्राज्यवादीर युद्धू अल्लेरो....!



दीदी— बेगड़ा—बेगड़ा युद्धम अल्लेरो.....एलो
बेलोसा

बेगड़ा—बेगड़ा युद्धम अल्लेरो.....!?

एलो— रूसी साम्राज्यवादीर अल्ले रो दीदी दूलोसा
यूक्रेन पोरो युद्धू तत्तोरे..!

दीदी— बारांक—बारांक युद्धम अल्लेरो.....एलो बेलोसा
बातलकाजे...युद्धम अल्लेरो.....!?

एलो— यूक्रेन देश ता सम्पदा ओयालरो दीदी दूलोसा
रूस देश ता हमला अल्ले रो

दीदी— बारांक—बारांक जगडंग मंता रो एलो बेलोसा
बोना—बोनांग जगडंग मंता रो....?

एलो— अमेरिका रूस लूटी ना जगड़ा रो दीदी दूलोसा
इरवुरा नड़मा जगडंग मंता रो....!

दीदी— अगा कोनि युद्धू अल्ले रो एलो बेलोसा
माकिन बाहु आंता अल्ले रो...?

एलो— पेट्रोल डीजिल मंदन देशमू दीदी दूलोसा
यूक्रेन देशू आंदु अल्ले रो...!

दीदी— अगा मतके माकुन बारुरोय एलो बेलोसा
अगा मतके माकुन बारुरोय.....?

एलो— यूक्रेन देशम तिंची अल्ले रो दीदी दूलोसा
दुनिया मेंडू आईल सप्लाई रो

दीदी- अगा युद्ध अतके एलोले, एलो बेलोसा
इगा मोला बारांक बेरसीन्ता...!?
एलो- यूक्रेन देश ते बम अरतके रो दीदी दूलोसा
मावा पोरो महंगाई बमू रो

दीदी- इदु युद्ध तुन रोमी कियालय एलो बेलोसा
बद्रम-बद्रम माटू कीकालरोय....!?
एलो- जनता सब्बे एकता आसी रो दीदी दूलोसा
युद्ध विरोध ते तेदाकाले रो...!

दीदी- नेत्तुर युद्धम बेस्के रोमयर रो एलो बेलोसा
युद्धम लेवा दुनिया बेस्केरो...?
एलो- साम्राज्यवादीर मंदन जोमू रो दीदी दूलोसा
नेत्तुर युद्धम मंता अल्ले रो...!

इरुवुर - साम्राज्यवादीरक हरा कीसि रो दीदी दूलोसा
शोषलिजम निर्माण कियाकाल!! ▲